



安

重

相

曾刊行。東。西。洋。偉。人。叢。史。斯。安。重。根。義。士。傳。係。滄。海。老。紡。室。稿。由。本。局。覓。得。原。本。復。又。搜。羅。海。內。外。名。人。傑。作。彙。爲。一。編。貢。諸。於。世。血。淚。壯。語。淋。漓。于。筆。墨。英。魂。毅。魄。磅。礪。乎。天。地。實。爲。研。究。近。世。紀。中。英。豪。義。俠。及。國。民。心。理。之。良。好。材。料。一。至。義。士。之。遺。像。暨。重。要。之。攝。影。爲。韓。日。中。三。國。所。無。者。茲。亦。設。法。搜。得。製。就。銅。模。附。入。編。中。藉。資。觀。感。一。厥。近。年。東。亞。風。雲。之。密。接。關。係。亦。可。由。此。書。攷。得。而。知。之。因。付。棗。梨。公。諸。同。好。

753218  
704



3 0402 6897 5

# 安重根目次

安君碑

題詞

圖畫

章太炎  
大同

安義士之遺像(一)

安義士之遺像(二)

安義士赴哈爾濱火車場準備槍擊時伊藤與俄大臣及諸要人握手之攝影

安義士槍擊以前伊藤博文之像

安義士在旅順獄中遺囑(大韓國獨立以前勿爲返葬我骸骨)洪神父及其二弟之像及

日軍警監視之攝影

安義士同志(禹德淳鄭大鎬劉東夏)連累繫獄之像

義士審判時之日法院長裁判長檢察總長辯護士等之攝影

義士受審繫囚之(日本關東都督府法院及旅順監獄)之攝影

安義士及伊藤之像

大韓獨立門

安重根傳 目次

安重根序

羅南山

安重根序

周少衡

安重根序

韓炎

安重根序

高冠吾

安重根序

潘湘纍

安重根序

曾鏞

安重根傳

滄海老紡室稿

緒言

第一章

重根之出世

第二章

重根之幼年破賊

第三章

重根之尙武主義

第四章

重根之義俠

第五章

日人併韓之時機

第六章

重根之奔走國事

第七章

韓皇廢立時之光景

第八章 重根之去國

第九章 重根之勉國民團合

第十章 重根之舉義

第十一章 伊藤之視察滿洲

第十二章 重根之活動

第十三章 重根之狙擊伊藤

第十四章 家族及志士之遭禍

第十五章 重根之母氏

第十六章 日人之對付與重根之態度

第十七章 日人之巧誘

第十八章 二弟之面會

第十九章 韓國律師之嘔血

第二十章 日人欲累韓皇

第二十一章 滯獄時之從容

第二十二章 公判時之狀況

第二十三章 各國律師之態度

第二十四章 重根之最終

第二十五章 二弟之痛罵日人

第二十六章 禹德淳之略史

第二十七章 重根從弟之明根

第二十八章 李在明金貞益

結論

### 選錄

讀安重根感言 (附答客問)

題安重根先生傳後

論伊藤監國暗殺案(一)

論伊藤監國暗殺案(二)

論伊藤監國暗殺案(三)

擬祭文

秋風斷藤曲

恨人

了遺

民吁報

民吁報

民吁報

金澤榮

梁啓超

感安重根事

吊伊藤博文

聞哈爾濱消息

讀安重根傳

東韓烈士歌

聞哈爾濱槍擊

悼旅順受刑

金縷曲題安重根

敬題安重根先生傳

謹題安重根先生傳

題安重根先生傳

吊安重根先生

安重根傳感賦

讀安重根先生傳

悼安義士

黃季剛

黃季剛

周曾錦

林樹森

金滄江

恨人

恨人

程善之

汪洋

羅洽霖

張震青

陳鴛春

查士端

王民核

一舟



安重根傳 目次

悼安烈士

悼義俠安夫子

附錄

追悼會詩聯

六

皇城啞夫

雲人

各人

安君碑

章炳麟撰

君諱重根，韓平安人也。韓故○  
李氏受圖，世表東海，重若左肘○  
能流其豈弟，壞睽志同○  
○  
堦夷不庭，諼以盜言，始自稱制○  
終爲陪屬，建統監以把其籍，廢○  
舊君以伐其謀，質適嗣以防其○  
貳，散王旅以毀其器，戮貞士以○  
渙其羣，快爲殘賊，怨者亦眾，島○  
中武節無歲不厲，君素深湛，餐

服景教，將率大順，以遏亂流。搜  
索曹耦，剽指爲誓。南自馬訾，北  
旣鮮卑，同志七八。參錯棊置，隆  
熙二年秋九月，元惡伊藤博文  
橫厲遼左。清吏總督以下皆蛾  
伏道周，如謁萬乘。乘傳追鋒，次  
哈爾賓。君自遠道，詰旦駟馳。輅  
其顛行，傳舍之野，急繕有怒。誰  
卒越騎，駢嗥聲年。奉發七丸，皆  
中要害。候人錯愕，戈綴不校。狂

殺顛覆，應時就戮，逮君考問，辭  
無盈餘，風烈四播，義夫感憤，北  
極法家，遣爲辯訟，卒劾極刑，明  
年二月，繆死於獄，年三十二。夫  
亡國絕祀，海陸代有，及兵符制  
於仇國，軍實毀於武庫，發難無  
孤矢之威，同惡無簡書之恤，禍  
重如地，亦知亡矣，然則梟鷂鞠  
凶，義無兩立，雖燭害於方來，害  
不云極，國猶終斃，斯所以騁走

絕險、勢無反顧者也。銘曰、  
獷郁夷兮叢犬羊、蹂甫田兮勢  
穰穰、鶴鳴珪兮秦風盲、操僕姑  
兮射天狼、弼義聲兮震四旁、膳  
胙斬兮民不亡。

弟子黃侃恭錄



附銅版時原文中二十八  
個字脫落編者負責任

五




涉

第

一

成  
快

大  
田







安重根先生

대한의사안중근공  
大韓義士安重根公

身在三韓名萬國  
生無百世死千秋



하르빈에서 잡히기 전 모양  
自哈爾濱被執前日之像

하르빈감거장에서 잡힐때 모양  
自哈爾濱監獄被執時之像



러순구옥중에 잇은지 한달후 모양  
自旅順獄中歷過一箇月之後

안익준공  
大韓義士安重根公



하르빈등거장에서 아라스틴과 이등박문이 서로 맞잡는 모양  
哈爾濱停車場日本伊藤博文俄國度支大臣握手之光景



我們恢復前宗之死體勿爲改葬速圖獨立以慰我靈



大韓義士安重根氏在旅順獄中遺言于洪神父及親弟兩人

(안의스중근공이려순구옥중에셔두야우와홍)  
 (신부애배유근언홀노모양나죽은후애나지말)  
 (데는우리나라를회복할기전엔반장할말)



鄭大鏞



安重根



劉東夏



禹德淳



日 溝 淵 檢 察 官



日 眞 鍋 裁 判 長



日 鎌 田 辯 護 士



日 水 野 辯 護 士




日 佐 藤 都 督 府 警 視 總 長




日 平 石 都 督 府 高 等 法 院 長



院法方地府督都東關日



安  
士  
義



城監順旅府督都東關日



대한의수안증간공  
大韓義士安重根公



동감일본인이등박문  
東監日本人伊藤博文




雨  
霽  
右

上  
敵  
伊  
諱  
家  
右

美  
十  
集  
白

家好安福生兒  
第心也

鬼洞



大 韓 獨 立 門  
安 義 士 殺 敵 時 用 拉 丁 語 三 呼 大 韓 獨 立 萬 歲

# 安重根序

羅南山

歲已酉。冬。韓國義士安重根。在哈爾濱。狙擊日本伊藤博文。爲韓報仇。天下震動。於是韓人之氣。可以不死。而吾華人。亦有激感之異常。何哉。夫日於滿韓。蓄謀已久。在六十年前。吉田矩方。已以南佔呂宋。北界滿洲。爲進取之方面。蓋以其地則韓爲近。其利則滿爲大。也是其經營殆無一日之釋焉。甲午之役。彼已索遼東半島矣。乙巳。伊藤仗勝。俄之威。統監韓國。狼吞之謀。無不如願。以償得隴望蜀。復有滿洲之行。將會俄之大臣。協議分割滿洲事也。且據世所轟傳者。伊藤處分滿事後。與各國密使。協商中國財政之監督。而自爲統監云。是將不由韓國統監。進而爲中國統監者乎。若無安氏之一擊者。彼舉東亞全局。而寘之掌握久矣。此吾人激感之特切者也。且吾華之淪於異族者。垂三百年。光復之舉。屢起屢蹶。近數十年來。志士奔走其機。已張將須時。而發而適有子房一椎之轟於韓者。於是吾華之士。奮曰。彼韓之區區。而有此偉傑。而我獨無乎。乃不逾二年。而黃花濺血。武昌起義。克復吾族之主權。則謂安氏之舉。有助於精神界。亦可此又激感之一事也。

且余嘗考中韓之地理及種族史。每於存亡之際。有疾痛之相貫者。自昔已然。今吾國人論唇亡齒寒之勢。必併數安南與韓國而論。以地勢韓尤爲接近。大陸毗連。雞犬相聞。故證之既往。風雲震蕩於鴨綠沿岸。而中國得一日安枕者。未之有也。是以對韓滿之危而恃中國之安者。雖童幼亦知其不可矣。明萬歷年間。日本關伯豐臣秀吉欲脅韓假道以侵中國。其國書有一超直入明國之語。王拒之。秀吉乃發水陸軍五十萬以逞其憾。行長以陸軍數萬攻陷平壤。而水軍十萬亦將航海而來。當是時。明帥李如松如松成樑之子六世祖朝鮮人將四萬兵援平壤。賊方俟其水軍以圖并進。而韓之名將李舜臣以鐵甲龜船遮賊之水軍。而盡殲之。因是平壤之賊勢孤。而如松克之。苟於是時無舜臣之鐵艦。截其海軍之勢者。彼合水軍全力。必如後來甲午之役。能保中國之無事乎。且以種族言之。兔死狐悲。物類猶然。中韓同族也。相愛之情。出於天然。昔百濟使者至梁。見臺城圍急。涕泣端門外。侯景怒欲殺之。而不服。明崇禎之末。韓之士爲之殉義者。多往歲。中國人潘宗禮痛韓之危亡。蹈海而死。夫以異國之人。遇存亡之故。不惜以血相酬。此實

氣類相感。自然而然者。今吾人對於此事。而有激感之非常者。亦不以是耶。嗚呼。安君之事。既已震爍宇內。何須余之贅述爲哉。乃將中韓之關係。與吾人之激感者。而道之云。

## 安重根序

周浩

安君刺伊藤。寰宇多震之。余是時方居哈爾濱。因而躬覩其盛。欲爲之表彰者。匪伊朝夕。惜素昧生平。卒不獲償斯區區。雖得之東土。父老之談述。與當日士大夫之篇什者。沉沉翳。頤然或欽。其膽氣或嘉。其忠勇其至深者。謂安君讀書養氣。具有根柢。而於安君之行誼。與其所抱之宗旨。則鮮有曲曲傳出者。余固未敢撫拾浮詞。以顯安君者。褻安君也。辛亥之年。余因事南遷。時韓國志士不甘牛馬痛苦者。大率飄零中土。□□□□。余得與交好。因就詢其國之近狀。安君之梗概。則無不慷慨道之。所謂至誠傾人者。非歟。彼都人士得諸見聞者。甚確。號滄海老紡子者。復爲之立傳。夫而後知安君之所以刺伊藤者。固不僅爲祖國報仇計。蓋將以剷世界和平之公敵。非特韓國之功人。亦東亞之功人。世界之功人也。苟無此

傳則安君生當末世不能運其旋乾轉坤之略拯國家之危亡而徒徼倖一逞以貸歷史之上之榮譽其心亦太可憫已嗟乎黃祖無靈世變方亟男兒救國時不再來余願讀斯傳者母蓄志効異日之安君少凜桑土綢繆之義可也是爲序

時中華民國二年五月周浩識於申江旅次

## 安重根序

韓炎

昔司馬遷作史記別爲刺客列傳雖其事止於一人一姓然乾坤睚刺天地板蕩并吞狼戾擅竊紛紜微斯人幾無以褫豪強之魄而塞權奸之膽此其所以垂之竹帛者殆亦有世道人心之感歟不謂數千年後有所謂安重根者韓人也痛其國以頹弱并於日既不能提封十萬與三島編氓一決雌雄於漢水之上又不能散髮佯狂髡錯以沒世徒挾其抑鬱不平之氣嘿然無所逞遂不惜粉身碎首冀雪滅亾之恥於是冰天雪地霹靂一聲而赫赫威名之伊藤博文竟斃於匹夫之手矣方之荆軻聶政輩其功業爲何如哉韓炎復氏曰安重根者三韓之賢人而亦世界之英也詩不云乎人之云亡邦國殄瘁蓋古之滅人國者必審其國之無



人。而。后。滅。之。昔。紂。有。三。仁。周。不。興。師。以。墟。殷。虞。有。宮。之。奇。百。里。奚。晉。不。舉。兵。以。伐。虢。抑。以。天。之。生。人。不。易。而。人。之。生。也。必。足。繫。一。國。存。亡。之。重。若。漫。不。加。意。將。干。天。之。大。忌。此。天。之。生。斯。人。也。獨。無。深。意。寓。於。其。間。乎。唯。天。既。生。之。又。固。厄。之。致。不。得。宰。執。機。樞。以。一。身。去。就。與。國。爭。存。亡。其。故。抑。又。何。歟。雖。然。郁。烈。之。芳。出。於。委。灰。繁。會。之。音。生。於。絕。絃。其。或。天。固。誕。斯。人。以。遺。韓。使。天。下。後。世。論。其。事。者。不。得。譏。韓。之。亾。亾。於。無。人。也。况。當。時。劬。勞。死。事。者。不。僅。一。安。重。根。已。乎。往。者。其。國。之。文。人。名。滄。海。老。紡。子。者。懼。其。志。之。淹。沒。不。彰。爰。撫。拾。見。聞。哀。爲。一。帙。顏。曰。安。重。根。者。重。其。人。也。揚。奇。烈。而。闡。幽。光。其。亦。史。遷。之。遺。意。歟。近。余。友。口。口。口。口。復。爲。輯。而。行。之。將。付。剞。劂。索。序。於。余。余。不。辭。觀。縷。聊。爲。之。次。述。其。事。云。桃。源。韓。炎。序。

## 安重根序

高冠吾

辛。亥。冬。識。口。口。口。口。口。口。於。某。所。數。子。者。三。韓。豪。俠。之。士。也。自。韓。之。厄。於。日。國。中。好。義。者。流。散。而。走。四。方。思。脫。其。羈。絆。王。事。靡。盬。不。遑。寧。處。吾。媿。同。族。念。之。慚。然。閱。一。載。口。子。有。安。重。根。傳。之。稿。慨。然。告。余。曰。安。重。根。吾。韓。之。大。英。雄。大。豪。傑。方。

日總監伊藤隆盛之時。威焰赫赫。擇人而噬。北結強俄。以挾東亞。重根狙擊之於哈爾濱。功成而授命。雪恥復仇。捐軀報國。謂非英雄豪傑。而何乃出其一。編示於余。屬余爲之序。余應之。顧自慙。文拙未足爲安重根稱道。一詞今年秋復相值。知書將付剞劂。欲余勉成爲文。余擲筆而嘆曰。世界之英雄豪傑。夫豈在爲人傳哉。安重根之出此也。浩氣貫日。義憤填膺。一擊而中。慨然就戮。殺身成仁。昭示來者。日人於披猖之餘。知所警惕。韓民於積威之下。得思奮發。重根之奇蹟。足以驚天地。動鬼神。固非專諸。聶政。感恩圖報。所可比擬。然則重根固世界之英雄豪傑也。傳亦千古不傳。亦千古夫豈在爲人傳哉。况乎安重根失敗之英雄也。安重根之擊伊藤而死。安重根之大不幸也。如安重根者。不獲行其抱負。振臂一呼。三韓響應。興復國之師。成獨立之業。以儕於加富爾。加爾波的一流。顧乃以潮流趨迫。不得不出此下着。擊伊藤而死之此實。安重根不得已之舉。吾知雄鬼在天之靈。且抱無窮之戚也。二三子者。痛國事之淪夷。悼英雄之已逝。取其驚天動地之偉烈。與夫遺聞佚史。彙而刊之。以昭不朽。嗚呼。二三子不能於十年後爲安重根編獨

立史而乃於十年前爲安重根作刺客傳是豈安重根之本心哉是又豈二三子之本心哉是爲序甲寅黃花時節冠吾高愈

## 安重根序

潘湘纘

昔荆軻七首去易水而不還張良鐵椎擊博浪而未中九死不辭千古遺恨君子猶或悲之懦夫因之立也豈不以志殲公敵誓報國仇一身之利害有所不計匹夫之志節莫之或斂哉矧夫鱗諸之劍克刺王僚傀囂之刃終堪君叔讐人授首志士成仁有如韓人安重根者寧非當世之傑士亡國之雄鬼耶顧一孔腐儒輒持謬論九世復讐或忘大戰謂燕丹之計祇以速亡子房之心未能含忍噫是說也寧不短烈士之氣長仇人之志哉夫日本之圖韓也伊藤之赴滿也哈爾濱之行鬼祟莫測司馬昭之心路人皆知斯時也各國密使相望於道統監與會實懷野心說者謂將欲解決滿韓問題兼爲處分支那計畫嗚呼豐臣假道謹切唇亡齒寒之憂忠武出師孰爲誓海盟山之計以明萬歷中日本豐臣秀吉欲脅韓假道韓王拒之秀吉乃發水陸軍數十萬以逞其憾方俟其長以陸軍數萬進攻而韓之名

將李舜臣以鐵甲龜艦遮擊水軍盡殲之平壤之勢遂孤而如倘非安氏奮其一擊微特韓國不能五稔東亞之和平將於是破中邦之運命亦不可知矣然則彼之所以憤而出此者非獨爲韓人報復國仇隱實爲世界剷除公敵卒使日人之陰謀不敢遽逞韓民之志氣逾以淬厲從田橫而死殉義者五百人聞伯夷之風興起在百世下國家可滅人心不死觀日本拜韓而後韓人繼安而起再接彌厲死義者實繁有徒百折不回謀國者至今未懈皆安氏重根有以作其氣此白山通民所以爲之傳也嗟乎三戶亡秦一旅興夏死灰可以復燃噓枯猶將再活蹈海而死魯連何忍帝秦立庭有辭夫差不忘報越雖公孫陽爲政鬼爲曹社之謀乃申包胥出亡天鑿秦庭之哭扶餘古國安知不屬虬髯侏儒小子行見毒於董尾贈僂朝之策勿謂無人揮魯陽之戈猶能返日祇恨狡童肆虐翻令箕子爲奴抱此簡編有同祭器覩傷心之禾黍每慨爲墟收失計於桑榆毋忘在莒


中華民國三年寒食日傷心人湘纍序

安重根序

曾鏞

痛莫痛於傷心。哀莫哀於亡國。安君之擊伊藤。正坐此也。嗚呼。斜陽荒草。時聞獨立之歌。殘水寒山。猶勵自由之劍。吾知三韓古國人物。彩煥久聞。東亞則將來。繼安君而起。以行其志者。大有人在。特安君之擊伊藤。非僅爲家國雪耻。復仇實爲世界剷除公敵。方己酉之冬。伊藤欲以欺韓之術。及於中國。乃約各國密使。會於哈爾濱。苟此會得以告終。則東亞問題。結束矣。中國之亡。可立而待。是則倭人將爲獨霸。稱雄而黃帝子孫。永作奴隸。牛馬安君之擊伊藤。誠爲消滅倭入野心。政策之當頭一棒。其有功於中華民國。豈淺鮮哉。今也三韓志士。絡繹來華。則吾人惟有仗義扶持。再行建告。一共和民國於三韓。故邦與吾國并峙。東亞始足以謝安君之功。安君有靈。亦含笑於天上乎。孟鳴曾鏞謹序。

安重根傳序



# 安重根傳

緒言

滄海老紡室稿

昔謝臯羽痛哭西臺。招文丞相。魂鳴咽。淋漓歷千古。不沒黃梨洲。竄身南雷。收拾殉難諸人之蹟。表章不遺餘力。是蓋天理人情之不容已者。余雖無狀。亦抱二氏之痛者也。白首逋蹤。異域飄零。瞻望故國。禾黍蕭條。吾所愛兄弟之死於異族之手者。歲不知其幾千。滔滔黃海。冤血長流。凡平日稍以志氣才識。現其頭角者。無一能逃其網焉。每一念及五內。如割天平。天平胡寧忍斯。西臺之哭。招忠魂南雷之收拾遺跡。誠有不能已於情者。而東西奔竄。無暇把毫。孤負我忠義之兄弟久矣。至若涉層溟。屠巨鯨。聲振寰宇。光燦古今之安重根。轟轟乎烈烈乎。固有不待後死者之表彰。而垂之無窮也。自余之來此也。凡官紳學生農商工賈之流。無不以重根之事垂問。以吾韓人而不能舉其歷史。則亦烏可謂之有人心耶。旅館寒窓。邊風颯颯。援筆述此。以副天下之人之求也。

夫據安重根歷史而論之。亦曰舍身救國之志士而已。爲韓報仇之烈俠而已。余以爲未足以盡重根也。重根具世界之眼光。而自任平和之代表者也。以天下之大勢言之。金甌統一。據亞洲之中心。關係大局之治亂者。中國也。以唇齒之密接而關係中國之安危者。韓國也。日本東海島國。

島人之性。每馳思域外。銳於進取。且其地處東洋之要衝。西舶之東來者。先泊於此。受外人之摩擦。較早於中韓。故倣倣西法。突然先進。使能爲大局計。對於鄰邦。置侵略政策。而互相扶將之。則東洋之平和。可企而世界之戰禍。可弭也。計不出此。日惟侵佔鄰疆。以冀發展其勢力。甲午之役。已有索遼東半島之問題。及夫戰退俄人。以爲天下莫余阻也。得隴望蜀。未達滿韓經營之目的。不止以區區島中之牛馳。突於大陸方面。不亦榮哉。然自西勢東漸。以來列強之視線。集注中原。而彼乃爲操刀先割之計。是不特擾亂中國。抑亦啟各國之競逐焉。億兆之生命財產。糜爛炮火。世界豈人道之所許耶。破壞大局之平和。實伊藤之侵略主義尸之重根。旣以世界之平和爲希望。卽認伊藤爲平和之公敵。以爲戎首。不除則禍不可弭。擲一己之生命。購世界之平和。是無上之幸福也。主義相反。勢不俱生。其結果乃至於此。以是論之。重根具世界之眼光。而自任平和之代表者。豈特爲韓報仇已乎。



# 安重根傳

## 第一章 重根之出世

韓亞。洲東部之舊國也。東西南濱海。北連大陸。成半島形。山川佳麗。人文夙開。始祖檀君。建國於中國。唐堯之世。創祭天之禮。以昭報本之義。子扶婁。以玉帛赴夏禹。塗山會殷太師箕子。避周東來。以八條教民。婦女貞信。不淫。民不相盜。外戶不閉。有仁賢之化。高句麗渤海。以武力雄東方。新羅百濟高麗。以及李氏朝。世修文教。倫理彬彬。蓋以君子之國。位於世界者。四千三百餘年。一朝爲強暴所乘。而踏焉。豈其無忠義之血。發表其歷史之光者乎。昔張子房。東見滄海君。得力士椎擊秦皇。帝博浪沙中。天下振動。今之江陵。卽古滄海力士之鄉也。高句麗東川王。爲魏兵所逐。蹙處海濱。國幾亡。東部紐由挾短刀。刺魏將。以復其國。新羅大臣于老之妻。饗倭使。而焚殺之。以報夫仇。黃昌郎十三歲。舞劍刺百濟王。復其父仇。高句麗卒。從使者入江都。欲以伏弩射隋帝楊廣。以紓國難。此又義俠之魂之流傳者。至於今日。亦豈無奮遏憤激。而震驚宇內者乎。於是白山黃海之間。有安重根出焉。

安重根。韓國黃海道海州人。州背負首山。前臨大海。爲一都會。高麗時。州人崔冲聰。慧好學。大倡儒教。稱爲海東孔子。本朝名儒李珥。卜居於州西之石潭。愛其山水也。重根父泰。勳進士。幼稱神。

童以詩名。世慷慨有氣節。甲午東學黨作亂。募鄉兵討之。重根生而胸有黑痣。類棋子者。七狀如北斗。祖仁秀異之名。應七後。因爲字。泰勳常在京師遊學。故重根育於其祖。七歲時徙居信川郡清溪洞。聰穎過人。通經史。工書藝。而遊戲必挾弓矢。弄鎗械。習馳馬。爲常以故射藝絕倫。能於馬上落飛鳥也。

### 第二章 重根之幼年破賊

重根年十五。是爲甲午之歲。東學倡亂。東亞大局變動之會。亦爲重根活動初步之期。時東徒蔓延各地。恣行殺掠。其焰甚熾。而升平之久。民皆惶懼。奔竄莫有撓其鋒者。泰勳倡義。重根願從軍。泰勳呵之曰。兵死地小子。膽敢乃爾。重根曰。大人爲國討賊。不顧身而兒忍安坐。恬視乎。卽荷槍而出。遇戰。輒先。數月間。經數十戰。屢獲勝。泰勳奇之。賊黨聞而大怒。曰。安家父子。敢如是耶。卽檄召遠近。衆至萬餘。進逼清溪洞。包圍四面。聲言屠戮。砲響震山谷。時義軍不滿百人。守備實疎。而大敵猝至。里中人民皆懼。欲竄。重根曰。賊雖衆。無戰藝。無紀律。不足懼也。卽突進。猛擊。砲無虛發。賊死傷甚衆。大驚潰走。義軍獲馬匹。砲彈無數。時重根身不滿五尺。着紅衣。賊黨畏之。以爲天降之紅衣將軍。蓋韓俗紅衣爲兒童常服也。時宰相有估公。穀爲私利者。泰勳截爲兵餉。亂定。宰相勒之急。泰勳遂入法國。人天主教堂。教人聞其盛名。歡迎藉甚。由是重根爲天主教人。

### 第三章 重根之尙武主義

明年春亂黨既平乃散兵歸農重根謂里中人曰我國崇文黜武民不知兵以致積弱之甚東學不過烏合之亂徒而爲患數年官軍不能即日剿定荼毒生民如此脫一朝有外敵之強乘我之弱者必不能以一彈相加土崩瓦解必無幸焉今吾輩棲息山中數至少也而常鍊習砲射培養武氣導我國民漸移文弱之習趨武強之風豈不爲陰雨之備哉乃傾家財購鎗械遠近少年有合武人資格者輒與之而資鍊習由是里人多嫻於武藝者迨二十歲以後遊歷黃海平安京畿諸處擇少年之強壯有志者組成團體研究兵事而武器則悉自擔而辦之嗚呼吾國陷於文弱久矣蓋國家對峙種族角立勢必競爭其勝敗存亡決於強弱而已故其民武強而勇敢健鬪者霸王也獅虎也其民文弱而懦弱畏死者奴隸也羊豚也印度以二億之衆僕役於三島之英吉利日受鞭笞之苦楚者文弱也塞耳維亞以一百萬之民能破突厥而揚獨立之旗幟者武強也以我家歷史觀之在昔高句麗崛起卒本之一部落能征服各邦雄視東表赫赫霸業垂七百年者非尙武之効歟乃至本朝號尙文治黜武太甚廟堂肉食之流皆身不跨馬談不及兵擯武班不得與士大夫伍日惟粉飾太平以媚君上鴟張私權以虐人民而已且上流人士之爲國民師表者亦皆心醉宋學之糟粕武斷士林之言論指事功爲俗學斥騎射爲賤技擡抑武風銷鑠民氣閉戶闔眼自驕自逸若是而不亡者未之或有而況世界風雲大演慘劇耽耽列強日以侵吞弱國撲滅孱種爲當行義務疾足爭先之今日乎吁其殆矣重根自幼時卽慨然於是方舉世

駒。駒。之。日。獨。具。勃。勃。之。氣。欲。以。尙。武。主。義。挽。回。民。弱。以。扶。國。危。雖。地。處。卑。微。已。無。寸。權。不。能。展。其。志。奏。其。效。而。其。見。識。之。卓。越。經。營。之。慘。澹。豈。庸。常。之。企。及。者。哉。

#### 第四章 重根之義俠

戊。戌。三。月。重。根。遊。漢。城。携。同。志。數。人。散。步。街。上。適。有。韓。人。騎。馬。而。過。者。有。一。日。人。突。出。不。意。將。韓。人。曳。而。下。之。欲。奪。馬。去。韓。人。之。在。傍。者。皆。錯。愕。不。敢。問。重。根。見。之。大。叱。左。手。挾。持。其。頸。右。手。出。拳。鎗。擬。其。腹。欲。射。之。曰。蠻。奴。敢。行。此。不。法。耶。將。馬。還。主。吾。活。之。否。死。衆。倭。環。視。懼。莫。敢。袒。還。馬。求。原。遂。釋。之。韓。人。挾。之。欲。知。其。名。者。多。噫。彼。日。人。僑。居。韓。國。敢。於。白。晝。大。都。之。中。公。行。此。等。不。法。視。若。無。人。何。故。嘗。試。我。民。氣。耳。蓋。日。本。之。謀。人。國。也。機。變。巧。譎。計。慮。周。密。凡。其。國。人。之。在。他。邦。者。無。論。上。下。貴。賤。均。抱。政。治。思。想。者。故。其。行。商。者。勞。動。者。賣。藥。者。賣。淫。女。皆。間。諜。也。此。輩。類。能。密。探。國。情。嘗。試。民。氣。以。供。政。界。之。探。訪。吁。可。畏。哉。此。時。若。無。重。根。出。而。挫。其。橫。暴。者。彼。必。認。我。韓。人。爲。無。血。氣。無。兄。弟。禦。侮。之。義。無。爲。國。敵。愾。之。心。者。也。舍。此。不。圖。更。於。何。圖。彼。其。強。行。奪。物。將。進。而。強。行。奪。國。豈。細。故。哉。彼。輩。在。韓。各。地。爲。此。等。嘗。試。者。甚。多。而。安。得。重。根。之。千。百。其。身。而。救。之。耶。重。根。家。素。饒。且。多。口。而。不。問。治。產。日。尋。各。地。有。志。提。倡。尙。武。主。義。其。有。窮。乏。者。輒。傾。財。賙。之。急。於。飢。渴。見。武。器。之。良。者。不。惜。賣。田。土。而。購。之。雖。生。計。漸。絀。而。不。少。爲。意。也。

#### 第五章 日本經營韓國及伊藤勒締保護條約之概況

日本極東之島國與韓隔一海峽。古代飲食衣服宮室之制與天文醫學工學儒釋之教皆出於韓。故稱韓爲文化先進也。然其族性慄悍好寇。鈔在韓歷代屢爲邊患。至本朝宣祖壬辰豐臣秀吉欲假道侵中國。韓廷拒之。秀吉逞憾於韓。發水陸兵五十萬入寇。血戰八年。秀吉死。彼乃撤還。自後復請修好。玉帛往來相安無事者三百年。乃至於近。受西洋文化政治維新國勢驟強。丙子西鄉隆盛以韓拒和而倡戰。論因大久保利通等反對不果。然西鄉雖死而其主義之配乎國人者益勃勃焉。滿韓經營不達。止及其與韓締通商條約。派使駐京。狡焉思啓而爲中國所扼。屢進屢退。積憾日深。蓄銳日精。至甲午以韓有東學亂與中國開衅。中國失利。遂締馬關條約。認韓完全獨立。絕中國關係。藉稱改革。韓政置顧問各部管理庶務。井上馨以公使總行指揮。旣而韓王后有聯俄排日之說。三浦梧樓代爲公使。遂派兵及刺客入闕。弑王后。以故爲俄人所排擊。互相衝突。至甲辰俄人欲佔韓。龍巖浦日人屢開談判。遂開戰。日皇之宣戰也以保存韓國獨立布天下。日使議定六條。亦保證韓國獨立及領土保全。然藉其兵威勒奪權利。毒害人民。囊括巨細實行侵略主義。於是韓國臣民奔走叫呼。圖救亡之萬一獻議廟堂。請設議院以爲民論之機關。政府大官亦有提出此議者。於時伊藤博文以大使來韓。陸見呈日皇親書表兩皇室敦睦之誼。伊藤盛言日本此舉爲扶植韓國獨立。確保滿洲爲中國領土。釋我疑懼。且奏曰。當此艱局。尤宜力持君權。願陛下勿輕聽人言。以失君權。韓皇素重伊藤。以爲伊藤保我君權而我臣民之請設

議院者欲減君權也。議遂不行。彼蓋以此迎合韓皇。破壞民論之機關。以爲他日勒約順成地也。及夫克俄而議和也。俄人乃認日本於韓國政事軍事經濟均有卓絕之利益。而伊藤以統監之名義昂然入韓。以實行經營韓國之策。乙巳十一月十七日夜。伊藤與公使林權助大將長谷川好道等率兵入闕。排置巨礮。闕外及鍾路鎗刀交殿。陞集各大臣開議。提出五條約。

第一條。日本國政府由東京外務省今後對韓國關係及外交事務。監理指揮可也。日本國外交代表者及領事團。保護在外國之韓國臣民及利益。

第二條。日本國政府當任韓國與他國間現存條約之實行。完全韓國政府今後不由日本國政府之仲介。不得約國際的性質。上何等條約及約束。

第三條。日本國政府使其代表者韓國皇帝陛下之闕下。置統監一名。而統監專爲管理外交攸關之事項。駐在京城。有內謁皇帝陛下之權利。日本政府於韓國各開港場及其他日本政府認以必要之地。有置理事官之權利。而理事官在統監指揮之下。從來屬於在韓國日本領事之一切職權。執行并爲本協約條款之完全實行。掌理必要的一切事務。

第四條。日本及韓國間現存之條約及約束。除本協約條款抵觸者外。總其繼續効力。

第五條。日本國政府保證韓國皇室之安寧。尊嚴。維持。

韓皇對此五條堅持不允。伊藤以兵脅之參政。韓圭嵩極力反對。卽拘置幽室。中使兵守之。脅外。

相朴齊純齊純支吾乃使其兵奪取外部印押之此所謂乙巳保護條約也翌日元老閔泳煥趙秉世等力爭不得遂殺身而殉國于時摺紳儒生軍民等盡聚公憤而抗之伊藤派其軍警拘之戮之自是四千三百餘年之舊國遂飲恨於伊藤統治之下矣一日伊藤出水原等地抵安陽停車場有農民金台根者投石擊之畿中伊藤愕而回程台根被逮伊藤曰殺此有損於我請勿窮治遂處笞刑釋之

時中國直隸省天津人潘宗禮自日本還國經宿仁川港聞伊藤脅韓締保護條約且覩日人迫害韓人之慘狀悲泣哽咽若己當之閔忠正泳煥之殉國也有訣告同胞文曰

嗚呼國恥民辱乃至於此我人民行將殄滅於生存競爭之中矣夫要生者必死期死者得生諸公豈不諒只泳煥決以一死仰報皇恩以謝我二千萬同胞兄弟泳煥死而不死期助諸君於九泉之下幸我同胞兄弟千萬倍加奮勵堅乃志氣勉其學問決心戮力復我自由獨立則死者當喜笑於冥冥之中矣嗚呼少勿失望訣告我大韓帝國二千萬同胞

有華商將此示宗禮宗禮覽而泣曰忠臣但其死也晚耳念韓既云亡中國亦危而國民猶懵無覺焉乃列時務十四條托其友獻諸政府投海而死爲倣國人也今袁大總統時督直省爲文以吊之具疏以聞于朝

## 第六章 重根之奔走國事

日俄之開戰也。重根時年二十六。慨然而嘆曰。是役也。實關吾國存亡。日勝則亡。於日而俄勝。亦然而我無實力。奈何。及聞日俄媾和。即告其父曰。勢急矣。不幾日。吾人必無措手地。求諸域外。惟中國可耳。自古興亡之際。互有關連。今日亦然。苟天授中國而振興者。大局之平和。可保。吾國之將來。亦有望也。大江南北。才俊必多。遊覽其地。交結其人。共圖天下之事。兒之願也。遂以乙巳十月。辭家航海。遍歷烟台。膠州。威海。上海等地。以求其人。而惜乎。未有所遇也。居數月。聞父喪。還國喪葬。既畢。欲率家族移住海外。而勢難。即辦乃徙平安道三和郡。甌南浦而居之。以其爲交通中國地也。時則韓國既居日人保護之下。一切軍務。財務。警務。學務。法務。郵務。皆由日人管理。所謂韓官日見。其汰而卽存者。只供其奴役而已。不敢過問其務。至若森林。漁探。礦山。鐵路。蔘園。墾荒。屠獸等各種產業。無不被其強奪。而人民之家。屋田土亦皆稱以軍用。惟意佔之。驅逐殺戮。慘無天日。是將不止。丘墟我宗社而盡滅我民族。乃已。於是重根益欲捨身以救之。而非開牖民智。團合衆力。則不可。乃捐家財。創辦三興學校。廣募青年。而育之。送二弟入京師遊學。亦爲邀結有志也。每聚衆演說。激昂悲憤。刺人心骨。聽者皆泣。由是日警官大加注目。或探其遊所。或詰其激論。重根不爲少動。伉之愈硬。家族親友皆爲之懼。勸其稍戢。辭鋒重根嘆曰。我平生以直爲生。以義行事。雖緣此隕身。亦無所恨云。

此時韓國西北道人士之在京城者。組織西北學會。開設學校。及報館。爲地方教育之模範。而重



根會員也。襄助甚力。丙午秋。西北學生在京城東門外三仙坪開運動會。是日會員來者。重根及李甲安。昌浩。柳東說。盧伯麟。李東暉。李鍾浩。諸人皆志士之錚錚者也。安昌浩者。平壤人。理想家也。雄辯家也。亦事業家也。早歲遊歷美洲。吸收文明。其還國也。值伊藤統監韓國之日。痛祖國之淪亡。悲同族之將盡。每對衆演說。辭氣激烈。心血滾出。人之聽之。如渴赴泉。莫不流涕。教育人才。結合同體。皆以至誠出之。故國人信仰之。與重根深契。壯其志氣。當謂友人某曰。重根吾黨中。烈者。主急進以爲今日之事。舉義而已。其成敗勿論。必有偉大之樹立云。

## 第七章 伊藤逼韓皇禪位勒締七條協約

日人併韓之機。漸漸成熟。至丁未七月。而海牙密使問題又起。是歲荷蘭海牙府開萬國平和會議。韓國政府參贊李相。離平理院。檢事李儁。駐俄公使參書官李瑋。鍾逕。走海牙府。控日人強勒締約及其他殘虐狀況。各國委員不敢受理。李儁憤劇自殺。相高瑋走之美國。日政府對韓之野心。因以益熾。蓋伊藤欲廢韓皇久矣。而事係重大。遑難下手。耽耽虎視。伺其機會。至是躍然曰。可矣。遂決計進行。鋪置已密。而日政府猶慮此舉大非容易。亟派外務大臣林董。以助之。且以拘韓皇東渡之說。搖動內外。而嚇之。七月二十三日。伊藤及長谷川好道。林董等率軍入闕。鎗砲。鈚戟。森列宮城內外。喉賊黨。李完用。宋秉峻。趙重應。李秉武等。逼帝禪位。太子宮相朴泳孝。密奏不可被拿入警廳。愛國黨之爲反對計者。姜泰鉉。宋榮根。李甲魚。潭林在德等。皆下獄。人民數千。

聚哭大安門外。日兵開鎗擊退。

伊藤既迫帝禪位。猶未鑿也。更與林董議。決要求七條。招完用。乘唆等締約。其文曰。

日本政府及韓國政府速圖韓國富強。併增延韓國幸福。約定左記條款。

第一條。韓國政府關於施政改善。受統監指揮事。

第二條。韓國政府於法令制定及重要行政上。處分須經統監承認事。

第三條。韓國司法事務及普通行政事務。各其區別事。

第四條。韓國高等官吏。任免以統監同意行之事。

第五條。韓國政府以統監推薦之日人。任命韓國官吏事。

第六條。韓國政府非有統監之同意。則不得僱聘各國人爲官吏事。

第七條。明治三十七年八月二十二日。調印之日韓協約。第一項廢止事。度支財政顧問廢止。

此時韓民憤怒如火。燒毀完用秉武兩家。及日巡警交番所。被日兵擊散。又復聚集。鍾路痛哭。演

說。有日兵策馬馳突。蹂躪民衆。適有韓兵數十人。自典洞兵營出者。見之大憤。卽舉鎗殺日兵數

名。衆人因以大呼殺倭。飛石雨下。殺日人三十餘名。伊藤恐韓兵爲患。卽謀解散。脅韓軍部。拿致

首事兵士。且收各營砲彈。而盡藏之。自闕門外。至鐘路及各營門外。均置砲臺。又電召日兵之在

地方者。星夜上京。彌滿城內。乃令韓國將官聚集。各軍于訓練院。矯諭皇勅。頒給恩金。繳收武器。

而下解散。令韓兵憤怒。扯頰給之紙幣而擲之地。因欲決死舉事。而既失武器。莫可動手。多有走地方而爲義兵者。

時侍衛第一隊隊長朴勝煥。在西門之營集所部兵一千人。痛哭演說曰。余與爾等名以將卒。十餘年矣。而不克盡乃忠。致國家今日之墮落。彼倭仇之奪我主權。蔑有餘地。而猶猜我少數兵額之存。勒令解散。夫以軍人不能捍衛國家。罪固當死。况彼仇虜之解散。而希苟生乎。爾等隨意爲之也。遂取彈丸之藏而發之。拔劍自刎。以激衆心。士皆怒氣衝天。爭取彈丸。與日兵激戰。三時射殺大尉樞原及其卒二百餘名。日人大怒。卽以三千餘衆圍而攻之。開機關砲轟擊。凡日人在漢城者。毋論男女。各持武器來助。聲勢韓兵死者一百七十餘人。而後援既絕。彈丸且盡。乃向山城潰走。日人逞憾。未已。藉以搜索韓兵。亂入民家。恣行殺戮。砲烟漲空。腥血滿地。天陰雨濕。滿城呼哭。嗚呼。慘矣。此時重根在平壤。聞有國變。馳入京城。留南門外濟衆院。乃於是日親此慘狀。悲何如及。砲聲稍止。卽與安昌浩。金弼淳及美國醫士數人。帶赤十字票。馳入戰地。扶昇傷者入院。治之。凡五十餘人。

## 第八章 重根之去國

於是重根欲與同志興義旅。而顧瞻全國。網羅彌天。揮腕無地。民間武器盡被搜括。寸鐵無存。徒手搏虎。無濟於事。遂決意出洋。以求活動方面。而俄領海蔘威爲韓人移住最繁之地。且在日人

勢力範圍之外。可得行動自由。擬乘京釜火車由釜山而往焉。出南門外停車場。二弟定根。恭根。錢之重根。囑之曰。此非吾儕顧念身家之日。我則遠離家國。奔走四方。誓爲國事。畢命而謀。事在人成。事在天。事之濟否。何可預期。古來英雄豪傑。未有必其成功。而作事者。惟其熱心毅力。百折不屈。不達其目的。不止我亦如此而已。吾國社會最缺。和合由人。鮮謙德。虛驕用事。好以上人。而不肯下人。故也。爾其虛心受善。卑己尊人。勿貽害社會也。三興學校力圖維持。期有實效也。天心悔禍。復國有日。則兄弟之團欒。可得。不爾則。索我骨於何地。未可知也。言已就車而去。及其到海港也。韓人村落。磊磊相望。喜可知也。然孰知重根爲熱誠男子哉。縱重根鼓發其祖國思想。而不信者。衆有傲視不禮者。有泛聽不省者。亦有故意反對者。而重根無愠意。無難色。惟恐誠之不至。行之不力。險阻艱難。不足以動其毫末。水火可蹈。金石爲開。於是得同志者十二人。相與斷指。血書大韓獨立四字。告天立盟。由是同志稍進。遂分派各地。警醒同胞。不避風雨。不辭勞瘁。極言教育爲救國之要務。使老成者幹校事。幼少者受學業。強壯者編入義勇軍隊。一歲之間。得三百餘人。

## 第九章 重根之勉勵國民團合

重根對吾同胞。最所嘔血痛論。瘖口懇勸者。團合主義也。蓋國也者。人羣之最大團體也。其民能以國家爲性命。一其心力。如手足之捍頭目者。其國能立其民。能存其民。不擔國家之責任。各自

爲心如散沙之不粘合者其國必破其民必滅此其理甚明無愚智皆知而世之國破民滅者往往而有何哉由其民德先壞也德者人心之所固有而因社會之汚習而失之因一己之私慾而失之所以不能相愛相保共享生存乃相殘相賊同歸敗亡故欲救國者先救人心重根固以激烈進行者而豈不研究乎救國之根本者哉至是寄書於大韓每日申報館以勉勵我國民其略曰修身齊家治國人之大本也身體相合而保其身家族相合而保其家國民相合而保其國其理一也今我國家陷敗至此無他國民之不和合卽其一大原因不和合之病根於驕傲種種毒害皆由此而生優於己者猜弱於己者侮與己埒者爭只要相上不能相下烏得以和合哉醫驕傲之病者謙遜是也卑己敬人悅人責己寬於責人又能以己功讓人何患不和合哉昔某國王使其諸子折一條鞭個個立斷更與以一束鞭命之折乃不能焉王曰小子識之汝等若各自爲心必爲人所折苟合爲一心孰敢折之吾人當念此言也惟我民族各自爲心而不能一焉故國土國權爲人所奪而不惟不協力而抗之反有輸我內情樂爲彼張借彼毒手陷我忠良者若此人類不亡何待思之及此痛恨骨冷此蓋驕傲之病爲其傳染也若祛此病根而篤守和合主義父詔其子兄勗其弟全國人民團結團體以圖復國高建太極旗同我親屬相見於獨立館大唱大韓帝國獨立萬歲振動六大洲是吾願也貴社亦以此義鼓勵我國民區區之望也自此書傳播後重根之義膽俠骨傾人肝肺韓國人民咸相謂曰大丈夫必有驚天動地之事業也

### 第十章 重根之舉義

重根以己酉六月集諸同志諭以舉義之事曰吾輩誓志死國久矣昔文天祥以八百鄉兵赴元敵趙憲以七百儒生抗倭虜忠義之士迫切之至豈逆觀成敗利鈍而動哉今吾國雖糜爛之極而各地義師在在蠶起皆能奮空拳冒白刃視死如歸足見我國民素富於忠義也今吾衆雖少能決死敢戰挫賊之銳則全國義師爲之一振嚮應必多其濟則天也且夫今之滅人之國者實行滅人之種吾輩雖欲甘爲讎奴而苟活亦必不得與其爲奴而死無甯擊賊而死等死死義可耳能死者從我不能者止衆皆拍掌遂自俄領首塗渡豆滿江入慶興郡襲擊日人交戰三次斃敵五十餘名遂進迫會甯郡此地與中俄領土對岸相望爲防禦之要衝且地勢險隘民氣動悍昔在壬辰加藤清正至此爲韓義兵所擊敗故會寧有七義士大捷碑此碑被日人擄去現在東京博物館甲辰之役日人爲義兵所襲被害亦多是以日人於此建築礮台排置兵營守備嚴密至是見我兵突至大驚急電各地駐兵合至五千馳若風雨礮擊甚猛重根直犯其衝激戰半日多斃賊兵而我無後援敵勢益加天且陰雨士皆飢疲彈丸亦盡遂潰散隨重根者只有二人嶺路絕險雲霧晦塞而追兵甚急不得投宿人家晝伏於林夜經於山不食者五日一夕重根留二人山上欲求飯村落望見山中火光而下猝遇敵兵相距直五步間敵礮三發急走得脫更進數十里而止宿從者疲甚無人色而重根意氣自若翌朝謂二人曰人者生於義死於義我輩爲國盡力而死於此義

也何憾焉。今以肉體爲人世作用者，失其能力。第以靈魂求天國事業，不亦可乎？因授洗禮，共行祈禱。是夕更欲前進，而氣力全乏，寸步難強。重根獨行，尋一草廬叩扉而入。主人訝其爲盜，有怖色。重根徐述其來歷，以安其心，求得一碗飯。且問知俄領路程，後回至山上，三人共吃一碗。遂向俄領去。凡十二日間，飯止二次，沐浴霖雨，寢宿霧露，衣濕而壞，身瘠而骨殆，人而鬼也。然重根不以此少挫，遍走各地，糾合同志，以爲後圖。由是韓人之在海港各地者，尤服其勇，爭相稱誦，咸以後日之偉業期望焉。

### 第十一章 伊藤廢陸軍部奪司法權

伊藤以統監行政五年，吞併之策日就圓滿。若鎮海、永興、軍港之占領，東洋拓殖會社之設置，各營軍隊之解散，一千萬元借款之自利，最大者也。其他黜陟官吏，大張威權，押收報紙，封閉言論，改易教科，消滅國性，默認軍兵虐殺人民之類，不可勝舉矣。至是藉稱教育皇儲，携往東京，舉曾彌荒之助代爲統監各部，顧問並解免，改稱各部協判。次官盡以日人敘任。十三道事務官皆用日人。汰韓人巡查二百五十名，以日人代之。既又將陸軍司法二部廢撤，而伊藤復汲汲渡韓，招完用等締約。韓國餘存之衛卒歸日本。陸軍司令部節制司法權歸日人管理。由統監署設立司法部。凡韓國臣民遵守日本頒布之刑律，廢韓國舊律。全國法官盡用日人。其約曰：日本國政府及韓國政府爲改善韓國司法及監獄事務，確實保護韓國國民，併在韓國之外國。

臣民及人民生命財產與鞏固韓國財政基礎之目的以約定條款

第一條韓國司法及監獄事務完備以前韓國政府以司法及監獄事務委托日本國政府事  
第二條日本政府以日本人及韓國人有一定資格者在韓國日本裁判所及監獄官吏任用事

第三條在韓國日本裁判所之協約又法令特別之規定對外國韓國臣民韓國法規適用事  
第四條韓國地方官廳及公吏應各其職務就司法及監獄事務受在韓國日本當該官廳之指揮命令又補助事

第五條日本國政府關於韓國司法及監獄負擔一切經費事

## 第十二章 伊藤視察滿洲

己酉十月伊藤有視察滿洲之行皤皤衰髮稜稜瘦骨觸冒風雪驅馳海陸不以爲勞何故此世界各國人之注目者也彼其行也宣言漫遊無政治性質者而據其國報紙曰滿洲經營以公此行爲視察實行之端倪以世界諸國之眼觀之謂日人恐美國反對滿洲新協約故以伊藤此行調查爲辨護之資然猶非諦審其全象者也及觀伊藤死後世所轟傳者其宗旨在撤除關東都督擴張韓統監權力於滿洲之上日處分滿洲事竣冀中國內政之監督而主張統監中國監督財政事以此證之此行目的與俄國大臣商妥滿洲問題後與各國秘使邀集世界談判進行中



國財政監督事而自任統監也。富矣哉。其野心不饜於韓國統監更欲進而爲中國財政統監。則中國之危機亦迫矣。又其死後內閣總理桂太郎宣言曰。余必繼伊藤之志。然則韓國最後之合併及滿洲之進行。皆伊藤之夙算也。伊藤携其僚屬乘軍艦至大連。吊甲辰戰亡者。一夜月明。登艦上眺望海色。喟然而嘆曰。余之今日成績。固始願不及者。功名之盛。死無遺憾。但我國人民性褊而驕。恐不得各國人懽心。云於。於是約俄大臣於哈爾濱。以爲協商之地。韓國義士安重根聞之。投袂而起曰。此千載一時也。

### 第十三章 重根之活動

重根乃訪同志焉。德淳曰。今閱報紙。審伊藤有滿洲之行。彼攘奪我三千里疆土。殘虐我二千萬生民。尚且野心未已。更欲進取大陸。置四萬萬人於死地。是不特我人之不共戴天之仇。卽世界人道之大賊。余欲殺此雪恨久矣。而未得其便。含忍至此。今乃有此機會。是天假吾手而除之也。盍往圖之。德淳躍然曰。此余之夙志也。因與之同行。到吉林。訪見劉東夏。曹道先。告以此事。俱曰。諾。遂同行。至哈爾濱。濱旅館深宵殘燈耿耿。悲憤慷慨。作歌而唱之曰。

丈夫處世兮。其志大矣。時造英雄兮。英雄造時。雄視天下兮。大業可期。朔風其冷兮。我血則熱。慷慨一法兮。目的其達。對彼鼠賊兮。豈肯比命。同胞同胞兮。速成功業。萬歲萬歲兮。大韓獨立。

德淳亦作歌而和之曰

逢兮逢兮。逢爾仇兮。我欲逢爾。水陸幾萬里。或於火車。或於輪船。坐也禱。立

也禱。鑑之鑑之。我救主鑑之。東半島大韓國。從我願而救之。嗚呼奸凶爾老賊。

奪我疆土。殺我同胞。又何野心來此。欲送死於我手兮。

翌朝重根與德淳道先二人至寬城子探伊藤來期二人留寬城子重根更來哈爾濱而俟之噫  
伊藤嘗自負醉枕美人膝醒握天下權二語傳誦世界可謂豪矣然彼死於美人之膝則後世之  
論伊藤者亦不過一太平宰相而已死於安重根之手而伊藤亦因之而愈顯然則哈爾濱之行  
殆天所以完伊藤歟

### 第十四章 重根之狙擊伊藤

伊藤以十月二十五日宿寬城子詰朝由俄國鐵道局派特別火車而迎之上午九時抵哈爾濱  
驛俄兵警衛者數千各國領事團及觀光團以次羅列其他觀者如林軍樂迭奏花礮競發伊藤  
下車與俄大臣握手受軍隊敬禮徐步向各國領事所重根服洋裝持拳鎗立俄軍之背而伺之  
相距直十步突入舉鎗一發中伊藤胸而花礮亂之各軍不覺再發中肋軍警及歡迎團始覺而  
却走則重根突現伊藤指而罵之曰馬鹿日本語辱罵聲三發中腹伊藤即仆地更向日人總領事川上  
秘書官森鐵道總裁田中三人而射之皆倒拳鎗之六發連中世所未有此重根之膽勇射藝天

下無雙者也。數千軍隊皆散走。莫敢近。憲兵及將官等但持佩劍相覷而已。既而彈盡無砲聲。各軍始乃聚集。取重根鎗付之。憲兵重根即以拉丁語三呼。大韓獨立萬歲。被縛重根拊掌大笑曰：我豈逃者哉？我欲逃我不入死地矣。於是被拘入哈埠。俄國裁判所。

嗚呼！此重根之所以爲世界偉人也。其狙擊伊藤者。血性男子。激於愛國之熱。或能偶一爲之。其不可及者。伊藤倒地後之大呼。與俄兵捕縛時之大笑也。擒賊擒王。有條不紊。至彈盡而後止。天職既盡。授首何妨。其修養之功。非經數十年斷不能如此。從容或傳重根性不羈。觀此殊不足信也。伊藤不逾十分。卽死。日人載其尸。火車送之大連灣。重根對俄檢事訊問而抗言曰：我大韓國民。彼伊藤勒奪我獨立。殺戮我民族。余之此舉。爲復我獨立。保我民族。報我徹天岡極之至冤深讎。云云。此事傳播天下之人。莫不動色吐舌。曰：韓國有人。韓國有人。俄國寫真師揚重根射伊藤狀。供世界之奇觀。日人出六千金購之。去而日人數種報紙。誣謂重根此舉出於私嫌。欲以一手掩天下耳目。其可得乎。

### 第十五章 家族及志士之遭禍

先是禹德淳曹道先兩人留寬城。子待伊藤之來。俄國憲兵訝其行止異常。命館主止其出。至是俱被縛。日本政府交涉。俄人索重根及連累者。俄人許之。乃捕韓人之在哈埠者九人。審問四日。押送旅順。重根妻子在哈亦被縛。二弟在韓國。甌南浦被逮。嚴訊通謀。有無鍛鍊甚酷。至親戚諸

家並被搜索。重根母趙氏在平壤。天主教堂日警探之來。喝曰。爾子害伊藤公爵。釀出兩國莫大之變。卽爾教訓之不善。爾亦不得無罪。母曰。吾兒在外行事。豈余所知。而國民之死於國事。職也。吾兒能死國。吾亦從兒而死。實所甘心。日警不能再詰而去。見者嘆其有女俠之風。非此母豈能生此子哉。同時西北人士如李甲安、李鍾浩、金明濬等所處。適隔絕無關。係衆所覩也。亦日人之所悉也。而以連累逮之。且搜西北學會之文簿。偵會員之動靜。日以嚴密。何哉。蓋日人將斷行併韓。而慮有志士之反抗耳。當時西北人士稍能奮發。日人目爲排日。派欲因事除之。及此事發生。而重根西道人日人認此爲網打西北志士之機會。乃株連諸人。欲鍛鍊而置之死。而毫無證據。延至數月。有人緩頰於日憲。兵大將曰。彼諸人者皆韓之名士。若以無罪而殺之。只足以激起韓人之輿憤。無益於事。不如姑釋之。嚴加監制。使不得妨礙於事可也。日將然之。乃得釋。然其監制無異在獄。故李甲安、李鍾浩三人竄海外而免焉。至閩巷小民亦往往遭殃。此時日人陰察韓人狀態。其有以喜色告語者。輒捕而罪之。其無言者。故詰曰。爾以安重根之殺伊藤爲是乎。否乎。嗚呼。韓人語默皆罪矣。義州有一村翁嘗對人而言曰。吾夢見太極旗墮地。有七星自天而下。捧而升之。今果有安應七刺伊藤事。此言爲日諜所聞。即被拘罰。嗚呼。韓人說夢亦罪矣。然天理未泯。人心不死。國中少年往往有密爲之心喪者。

### 第十六章 日人之對付與重根之態度

日本對於此案舉國震驚輿論甚囂不特以國家喪一元老之可痛耳先是日人藉口伊藤政策有益於韓而得韓人歡心且曰韓人甘受其保護指導絕無反抗者騰諸報紙播諸演說以欺天下耳目矣及此事發而伊藤之強奪行爲與韓人怨恨之真相早露此其大削日人之面貌者也且天下之人咸以重根爲曠古未有之義俠韓人之義聲高而日人之不義形焉此又彼之大猜大惡者也於是日政府思有以摧折之屈服之始謂重根此舉出於私嫌欲借報館之曲筆以誣公論竟掩之不得乃令其法院官吏百方設法威以恠之利以誘之欲得其誤解自服之詞試其巧譎無所不至使重根有不十分斬釘截鐵而一言半詞稍形委曲含糊中彼之奸計者卽轟震世界之哈爾濱一舉便墜萬仞坑塹而日人之凱歌益高老少男女之歡呼踴躍將與旅順奏捷之日同此其舉國與重根爲敵而決其勝負之秋爲重根地不亦危哉然日人詐取三千里韓國其巧幸中而之以對重根則可謂班門弄斧適成其拙而已於時重根與連累諸人押至旅順監獄縛以鐵索虐還滋甚重根叱曰我大韓義兵將員與爾國大官等遇可也而加此蠻暴耶日檢事每日就獄欲以威屈盛氣嚴訊若將撲殺者然重根毫不少撓抗辯甚厲鋒穎凜凜奪人之氣檢事瞪視而嘻乃曰是可以柔服不可以強屈遂去其縛使其解韓語者日以甘言誘之進美食及紙筆書籍等物以適其意時重根條列伊藤十三罪而記之

## 一 大韓獨立破壞事

二 明成皇后弑逆事

三 太皇帝廢位事

四 五條約勤締事

五 七條約勤締事

六 教科書燒却事

七 新聞雜誌禁止事

八 司法權引渡事

九 軍隊解散事

十 無辜良民殺戮事

十一 世界耳目欺瞞事

十二 一千萬圓國債募集事

十三 東洋平和攪亂事

將此各條解說甚長。而日人恐其洩露。取而藏之。

第十七章 日人之巧誘

日人對韓政策專以巧誘出之。其前後聲言者曰。保存韓國之獨立也。曰忠告韓國之政治也。曰

維持皇室之尊嚴也。曰企圖韓國之富強也。曰增進人民之幸福也。曰改良韓國之軍制也。曰發達商工之實業也。此等甘言利誘已使韓人不勝其鑿聞而。今又試諸重根矣。日人境喜明園木次郎兩人久在韓國視警務熟韓語者來見重根誘之曰以君之才前程無限而徑畢生命於此豈不冤哉。始事之爲何故勿論。今以誤解自服者我日本政府必憐君之志愛君之才特爲原赦更得出身於世功業可就奈何。固執乃爾重根笑曰好生惡死情之常耳。然余欲苟生豈有此舉余在哈爾濱砲擊伊藤時即已決死者而來此獄中延至今日亦意外也。我不要生爾毋誘我。彼乃色沮而退。翌朝復來而言曰自此事發後世界各報皆認君爲無智蔑識之行動。攻駁甚多。至韓國二千萬人亦皆恨而罵之曰伊藤爲韓盡力圖發展之人也。害伊藤者實仇韓而非仇伊藤也。伊藤死無復如伊藤者故國家前途自此無望云矣。內之韓人外之各國無不非君之所爲而固執不服可乎。雖欲不服而天下之公論其可勝乎。重根正色曰余之此舉斷斷以義而非要名譽且生命與名譽孰重。旣生命之不顧何名譽之足念。余以義報國以義舍生人之毀譽何關於我。滯獄累月不聞輿論不見報紙而我大韓同胞決無責我之理。彼西報之評論雖未可知而如有駁我者必出於其野心矣。蓋彼西人欲乘我東洋人之互相蚌鷸而收漁人之功者久矣。使伊藤而在肆慾無厭則東洋之平和無日予彼西人以機會也。今伊藤斃於吾手去一元惡東洋無事彼無機會可乘其或緣此而駁我乎。然而謂韓人之罵我者確係誣言則西人之駁我云者亦

未可信也。

一日檢事詰問同志有幾。重根笑曰：若指示我同志者，非但於我有損，日本之損害必多。檢事曰：損害何謂？重根曰：我之同志殆逾萬人，若指示之，日本必盡捕之，獄舍增築至千餘間，裁判官加至千餘，一日行十人裁判，非延至百年頃，則不能空費財力，損害何如？檢事乃不敢復問。

### 第十八章 二弟之面會

時二弟被拘，甌南浦多日以無證免，乃爲面會。其兄發向旅順，經仁川港，自日警署拘而詰之。所言稍伉，則毆踢交加，虐待無狀。經數日無可疑，乃得釋而行。有日警二人之跟隨者，至旅順又被拿問於法院者，數日始許面會。有檢事典獄通譯書記看守長及看守二名監視而操切，故除問候不得一語及他檢事。溝淵孝雄誘二弟曰：爾不欲爾兄之活乎？若以誤解自首者，減死可得。而爾兄不肯，反以憤激之詞吐氣，焰何其執耶？爾其反覆開警務回其意也。

二弟以公判將開，據法而請律師之辯護。法院許之於時，韓人之在俄領及美洲者聞而踊躍，龔集義金，聘英國、俄國、西班牙、牙律師等來候公判。而檢事又教重根請韓國律師重根，謂其弟曰：我旣決死，辯護何爲？然欲令我同胞知我素抱之主義，與此舉之所以，則本國律師可矣。且外國律師旣有爲我來者，而無韓國律師亦國恥也。然日人所言決難信，故三回申請，三回許可。後電請於韓國律師會，而乃此事亦日人之奸計耳。彼以甘言巧說，誘重根萬端而終不得逞，乃教請



韓國律師陽示遵行法律而陰電京城囑其警吏禁止律師之來併押收其弟之通電而其無來者則將復誘之曰今以此事請韓國律師而無一人來者是韓人對爾行事認爲仇怨之證據也云則必落心喪氣而屈服可得此其計之所出也詎意韓之律師有冒難而來者乎

### 第十九章 韓國律師之嘔血

律師安秉瓚韓國義州人以法學畢業爲平理院主事伊藤勒締保護條約時持斧抗疏請斬朴齊純李完用李址鎔諸人之簽約者時韓人之反對者悉被逮捕秉瓚與張志淵等六十餘人被拘警廳經數月得釋爲平安北道裁判所檢事旣而嘆曰日人之世我其仕乎卽棄官歸無以資生以律師爲業至是以重根事請韓國律師而諸律師皆懼不敢往秉瓚慨然應之與通日語者一人赴旅順日警數人急追至停車場奪其行李而止之秉瓚責之曰我依法律行動而欲強制之乎以日本警官而行此不法則是日本之無法律也非我之辱卽日本之辱使世界而無所謂法律則已苟有法律不得如是日警辭屈而退得以就塗而有日憲兵三人隨至所經旅館必行直守保護乎監禁乎及其到旅順請面會重根而不許重根之弟請以書字通之而亦不許問其故檢事曰爾兄聞韓國律師來謂得本國人同情詞氣比前愈亢若許其面會則必發表其主義氣焰益甚是以不許也及其公判之期韓國律師及外國律師一概不許秉瓚乃質問檢事曰旣使之請韓國律師而來卽拒絕何也檢事曰日本法庭之裁判專用日文故不解日語者不許秉

瓚曰。韓國律師解日語者多。余即電請而致之。檢事默然。秉瓚駁之甚厲。又見法院長真鍋而詰其故。且曰。日本每以此等不法加諸韓人。韓人之激憤愈往愈甚。未知將來有幾百幾千之安重根生焉。回至旅館。嘔血數碗。氣塞數時。乃甦。噫。此時若無二弟及秉瓚之往者。縱重根有何等抗辯。彼必捏造其屈服之辭。掩世人之耳目。秉瓚此行雖不得爲重根辯護。而其扶公理者不少矣。

## 第二十章 日人之欲累韓皇

韓皇自伊藤統監韓國以來。政權盡去。手足無措。宮官多日人。衛卒皆日兵。皇室金累百萬。盡被其奪。又陰賂妃嬪。覘察動靜。細故瑣事無不監之。四十餘年。南面之君居然囚矣。且或韓人潛往他國。或義兵起地方。輒指韓皇爲主謀。散布謠言。加以誣害。肆其呵嚇。無日無之。廢位之後。南內之淒涼尤甚。而監之愈密。斷絕內外父子兄弟不得而面。臣僚之出入。遑可問乎。今重根事發。又欲以連累加諸韓皇。日人境喜明來見重根曰。余知此事之所從出矣。聞君受太皇帝金四萬圓而殺伊藤。此係詳探而得。君諱之不能。重根怒叱曰。爾輩縱凶狡之甚。而敢欲捏此而誣我。并欲害我。太皇帝耶。爾輩每以此種伎倆陷我國人於不測之禍網。而欲加之於我。則謬矣。人有生命。非要金錢。余之殺伊藤。非要生也。決死也。死後金錢有何所用。乃爲金錢死乎。爾休矣。母以此等醜說嚇我也。彼遂赧然而退。蓋韓皇日默受鈐制而內未嘗無仇日之心。故彼以韓皇爲排日之首。而憾之。甚至行廢位而猶不釋慮。每欲藉事端而誣害之。如此。

## 第二十一章 滯獄時之從容

哈爾濱一擊若霹靂天降萬衆披靡激烈之聲動天下及其在旅順獄中吟嘯自在若忘死生而處無事之地者又何其從容也夫生之有死如晝夜之必然原無可哀可懼而不過肉體之須臾苦痛苟死得其所可以成仁則莫大之福也然人心至危毫釐有差頃刻倏變一切毀譽榮辱利害得失皆能動而奪之況死生乎昔文天祥滯燕獄三年未死王炎平爲生祭文以勗之夫以文公之賢而處此尙有愛之者之勗之嗚呼其難矣先哲有訓曰忠臣義士亂臣賊子只在一念之間苟其察之未精守之未確者由此一念舜乎蹠乎人乎獸乎未可定也且慷慨之流激於血憤判得一死於須臾之頃者容或可能而若其遲之又久外來之利誘浸潤不已則一念之微難保無差而且急進者易速退尤可危也跡重根之行事出於激烈恐或勇往猛進之有餘而堅忍持久之不足也及夫滯獄二百日之久日人之多方勸誘不第怵以切己之禍福而必以國家之利害巧說以餌之重根於此無一念之或差乎世有愛重根者恐亦有生祭文之出矣嗚呼重根鐵石人也早已付死生於談笑彼之甘言巧舌何足動其毫末乎於是激烈之聲從容之態全乎其成仁矣及其公判宣告死刑而在獄復數十日意思聞暇述東洋平和論數萬言以抒其所抱主義日人亦慕其義求其筆蹟者多重根應之不倦寫至數百餘幅或吟詩自壯有丈夫雖死心如鐵烈士當危氣似雲之句餘無傳者又嘗書人心惟危道心惟微兩語以自省蓋其臨死生而察

危微愈堅其執也。由是觀之，仁人志士之大節，曰惟心所造而已。

### 第二十二章 公判時之狀況

日人既服之不得矣。法院長眞鍋渡東京就政府面商，遂決以置死。回旅順，公判而忌外國人之傍聽也。不先期公佈，遽行開議，而外國人探之而至者數百矣。法官問曰：若何爲殺伊藤公也？重根曰：貴國與俄開戰，貴皇有詔宣天下曰：保存韓國，獨立我國人，胥感而信之。祝日軍勝利，曰日本此舉爲保東洋大局也。豈有以皇帝之明白宣言而欺天下者哉？乃克俄之後，伊藤突以兵入闕，脅我君臣，勒締保護條約，自爲統監。此豈貴皇宣布之意乎？卽伊藤貪功而爲之者，攘我內外政權，吸我公私財源，虐殺我無辜人民，吾爲國家報仇，爲同胞報仇，安得不殺吾乃大韓義兵參謀將也。大將關東人金斗星也，糾合義旅以備戰鬪，且購兵艦從海港南下，要於玄海灘之衝，擊殺伊藤而復我獨立矣。適聞伊藤來哈我獨先行而殺之，則余於敵國卽一被虜者，資格不當以刑事被告待我也。乃舉伊藤之十三大罪，痛駁數時，雄辯滔滔，目光如電，傍聽者莫不動色。且曰：伊藤者不獨於我國爲行弑廢位之大逆，而亦貴國之逆臣也。法官曰：謂何重根曰：貴國先皇孝明事法官等，忽面如土色，急揮手止傍聽，旣而檢事溝淵論告曰：被告本無政治思想者，因大韓每日申報及安昌浩演說而有政治思想，至行此事，此非被告自白而聞於其弟云。二弟怒而詰之曰：此言發於何時而聞之耶？溝淵語塞，乃喝曰：有如此言詞，故有如此論告，何敢質問。二弟

曰此強制也非法也人其服乎溝淵笑曰此非謂安昌浩教唆而行之只謂其因安昌浩演說而有政治思想出此結果云也時通譯園木曰此言余當置之不譯不必煩言也夫重根自十五歲時已以國事爲己任在韓國社會其年雖少其思想實爲先覺烏得曰因大韓每日申報及安昌浩演說而始有政治思想乎彼以法官故捏此詞欲傳之爰書是不但爲毀損重根而併欲以此案加累於每日申報及安昌浩者也先是世界輿論咸謂重根此舉出於愛國以愛國而殺人者爲公也故有滅死之特例先年韓人張仁煥砲殺美國人須知分而美政府謂其出於愛國特貸其死日本其或照此處之以爲天下愛國者勸噫此等道德上法律豈可望之日人乎其對韓政策以撲滅志士爲最先着手凡韓人稍存國家思想負社會聲譽者雖無不平行動而亦皆托事締案勒加罪名酷施刑訊以殺爲快而況重根事乎然其殺之益以重重根矣

### 第二十三章 各國律師之態度

日人既許韓國律師及外國律師而使之來矣旋復拒之不恤其食言違法何故彼其許之原非眞意而出於譎計其拒之者乃計窮而爲之矣彼其始也謂誘說重根必得其誤解自服之詞則韓國律師外國律師只好爲日本之利用也竟以重根之確乎不可動也凜乎不可犯也其計左矣若許外國律師則其論伊藤罪案必與被告無異日本之恥也韓國律師尤同情於被告者言之激烈亦必相似則於日本法官加一勁敵也是以寧食言違法而不顧耳日本律師鎌田正治

來見安秉瓚曰。法院不許韓人及外國律師者。恐其說明犯罪之原因也。高等法院長平石以其所親者水野爲官選律師。其不公平矣。若自被告委任於余者。當力持公理而辨護云云。然其言雖托公而意實私也。特有憾於渠之不被官選而陽以此言嚇法官也。法院聞之。果以鎌田爲官選律師。彼乃亟稱法官曰公平云。

安秉瓚屢向法院長欲以死爭之。法院長乃曰。既不許外國律師。而若以正式獨許韓人。則必有駁論。余特以間接辯護許君。君在廷傍聽經由日本律師而間接辯護。論可也。乃於翌日使水野鎌田等語之曰。昨以間接辯論許之。而意外有西洋律師之來者。亦不得許之云。開廷前一日。秉瓚爲面會重根。至獄門外。水野鎌田等自獄內出曰。今余等入見被告。以辯護事請其意見。被告曰。君等爲我辯護云。我有所問。君其答否。試問伊藤之對我國行事。其罪重乎。我之殺伊藤。其罪重乎。余等不能答。惟以出於誤解爲之勸告。而終不聽。君今入見。亦以此勸告也。秉瓚怒曰。余豈爲此等勸告而來者耶。君等以律師而爲此言耶。彼卽電話法院阻其面會。及其審問日。人律師等只承法院指使。含糊敷衍。毫無要論。至以誤解所致爲言。重根叱曰。爾以被告之律師。乃違反被告之意耶。我有何種誤解。而欲以此誣之。宣告後。又彼律師等來勸控訴。重根曰。余受不公平之裁判。而不提控訴。必謂服罪。然余不欲苟生何事。更訴上級法官。亦日人。豈不欲殺我乎。及其受刑時。律師二人亦來參看。重根笑曰。君等何故來此人之死也。亦有辯護之法乎。二人色變。而對

曰。欲慰公心而來耳。公其安心而往天國。吾等亦於日後相逢天國矣。重根曰。君等祝余往天國。可感然。余遵守天國法律而爲國死。義者靈魂之升天國固也。君等素昧天國法律。又不能公持世上法律。未知自天國許否。君等如要後日相逢。服習天國法律而力扶公理可也。

英國律師德雷司見秉瓚而嘆曰。余見世界之人物多矣。經重大之裁判屢矣。而未嘗見如此人者。余行天下。當爲人誦之云。俄國律師米罕依洛夫忿曰。人之不公平不待終判。經請歸國而日人報紙乃謂外國人信法官之公平而經欲去之云。

## 第二十四章 重根之最終

最後公判之翌日。宣告重根死刑。禹德淳處三年役。曹道先。劉東夏俱一年半。重根神色自若。曰。有說明之未盡者。法官等皆色動。從後門出去。使通譯傳之曰。有陳述者。控訴可也。重根笑曰。若輩意向吾已知之。卽退庭。日人報紙有云。聞之通譯園木宣告時。被告面無血色。園木駁之曰。余何時有此言乎。記者不能答。二弟及從弟明根。安秉瓚俱至獄中。面會重根。謝秉瓚曰。先生不避艱苦爲我辱此恩德之至。死何敢忘。更有一詞托諸先生。我死後慰我靈魂以好音者。我同胞耳。望先生竭誠盡力勸我同胞回復國家獨立之消息。達於天國。則余其蹈舞呼萬歲矣。我不過爲急激一著者。何足道哉。惟是振興教育。培養實力。團合衆志。爲回復獨立之基礎。我同胞毋忽此死者之言。而益加勉勵。區區之望也。囑二弟曰。我死後埋我骨於哈爾濱公園之傍。待國權回復。

而返葬故土也。二弟有悲慘色。重根責之曰。余則無一毫傷心者。而乃有此耶。

公判前後。每自法院。命新聞記者。種種造言。毀重根名譽。又命寫真師。做容貌不好。二弟有慍言。重根曰。彼之毀我。固當我殺伊藤爲我國也。彼等毀我。亦爲其國也。各自爲國。何可攬之。若使我處日人之地者。攻擊當有甚於此者。是宜賀不宜怒也。受刑之日。二弟請最終面會。重根遺言曰。余往天國。亦當爲我國家恢復盡力。汝等爲我告同胞曰。我同胞爲我努力而我則無報。慚負實深。但以一個生命表我誠心而已。我同胞各擔國家之責任。盡國民之義務。同心一力。建功樹業。大韓獨立之聲。達於天國。余之至願也。每兄弟面會時。注目嚴密。不得發要言。其最終遺言曰。在獄所覽書籍。中有密書云。而日人取而藏之。二弟屢請不得。以庚戌二月十六日上午十時。陽曆三月廿六日受刑。重根欣然立刑場而言曰。余爲大韓獨立而死。爲東洋平和而死。死何恨焉。但遺憾者。未見國家之結果耳。諸君深思之。我大韓獨立而後。東洋可保。平和日本亦免。將來危機矣。遂換着新製韓服。從容就刑。年三十有二。是日天陰而雨。

第二十五章 一弟之痛罵日人

先是屢囑二弟曰。國家獨立以前。勿返葬也。然二弟不忍捨遺骸而歸。至獄門外。巡查檢其身。方許入日人律師等曰。日本法律有遺骸之出付。故法院欲準施之矣。自政府有命令。不得出付。葬之。此處君等參看。二弟曰。遺骸許否。職在典獄。無關律師。乃入獄內。有典獄栗園檢事。溝淵通譯。



看。手。等。數。十。人。在。焉。二。弟。質。問。曰。信。官。政。府。命。令。乎。抑。由。法。官。自。意。乎。確。言。之。典。獄。曰。余。則。爲。君。等。骨。肉。之。情。欲。以。遺。之。而。其。奈。政。府。命。令。何。二。弟。曰。日。本。法。律。有。遺。骸。出。付。則。法。官。準。施。之。可。也。奈。何。托。有。政。府。命。令。而。違。反。法。律。乎。法。官。者。受。法。律。之。拘。束。而。不。受。政。府。之。操。縱。且。政。府。關。於。法。律。適。用。豈。有。命。令。乎。典。獄。曰。雖。徼。政。府。命。令。以。我。職。權。處。之。二。弟。曰。以。典。獄。職。權。處。之。何。托。政。府。命。令。爲。不。過。四。五。分。間。食。言。若。是。乎。典。獄。乃。喝。曰。既。以。公。議。確。定。雖。千。言。萬。語。決。不。聽。施。二。弟。不。勝。憤。怒。大。叫。曰。所。謂。法。官。不。顧。法。理。專。以。威。力。壓。制。是。蠻。行。也。我。等。現。在。莫。之。對。付。而。苟。此。生。命。之。存。也。必。有。一。洒。之。日。痛。罵。不。已。巡。查。看。守。等。曳。而。出。之。獄。外。則。痛。哭。門。外。數。時。復。求。入。見。典。獄。而。終。被。拒。絕。遂。卽。出。發。自。大。連。還。國。日。人。忌。二。弟。亦。甚。偵。察。日。嚴。欲。因。事。除。之。乃。走。海。外。而。免。焉。

## 第二十六章 禹德淳之歷史大概

昔。鄭。商。人。弦。高。以。馭。牛。爲。業。能。救。鄭。國。之。難。此。商。界。之。傑。而。國。民。之。範。也。今。韓。國。義。士。禹。德。淳。亦。雜。貨。商。耳。其。愛。國。熱。忱。與。安。重。根。併。耀。青。史。凡。商。業。同。胞。其。亦。聞。而。興。起。乎。

禹。德。淳。韓。國。忠。清。道。堤。川。郡。人。家。貧。業。商。轉。至。漢。城。開。雜。貨。店。僅。支。生。活。無。暇。致。力。學。問。然。愛。國。之。忱。出。於。天。性。且。喜。讀。新。聞。至。時。勢。急。迫。國。權。損。失。輒。涕。泣。不。食。乙。巳。保。護。條。約。成。舉。國。人。士。悲。憤。若。狂。德。淳。慨。然。曰。國。存。然。後。民。存。若。國。之。不。存。則。吾。之。產。業。非。吾。有。也。吾。之。妻。子。非。吾。有。也。吾。之。生。命。非。吾。有。也。吾。寧。毀。吾。生。產。棄。吾。妻。子。擲。吾。生。命。以。救。國。家。可。也。然。三。千。里。山。河。舉。在。網。羅。

之中一言一動不能自由。尙何事之能爲哉。吾聞海參威多吾同胞。之移住亦有志士。創辦學校。報館事業。而倭日人勢力範圍之外。遂入海參威。訪求同志。與安重根斷指結盟。至是聞伊藤來。哈欲與重根遮要路。擊之而未知何處。與彼相見。一在寬城子。俟之一往。哈爾濱圖之德淳。乃留寬城子。送重根赴哈。淚潄潄欲墮。蕭蕭易水白衣冠。送別此情。此景。悲壯何如。見者頗異之。泊伊藤來。巡兵令館主閉門。止客勿出。視德淳從窻隙伺之。伊藤已過矣。憤極氣塞。頽臥坑上。良久乃醒。及對籛時。與重根一樣口吻。傍聽諸人莫不壯之。公判處三年役。日人又恐其將來必有急激之行。動加以他罪。移囚咸興獄。德淳遂自殺。或傳逃免雖其目的所就。讓於重根。而其志氣之犖犖。則無愧爲天下之烈士矣。

## 第二十七章 重根之從弟明根

安重根既死而四千三百餘年。歷史之韓國。至西歷一千九百十年。庚戌八月二十九日。而宗社。遂墟。悲夫。日本總理大臣桂太郎。陸軍大臣寺內正毅。尤以野心政策。繼伊藤。者伊藤。鎗斃。曾禰病死。而寺內正毅。以總督之名。限來韓。宣布合併廢隆。熙帝爲昌德宮。王各處軍隊。憲兵巡查等。荷鎗實彈。自宮闕。以至市街。閭巷。警備甚嚴。各社會團體。及報紙。機關。盡解散。封閉。韓人之殺身殉國者。輒被嚴查。脇其家人。不得發洩。其死由而狗彘不食之。賣國賊黨。皆受金獲爵。意氣揚揚。人獸易位。天理滅盡矣。重根之徒弟。明根。慨然曰。我兄既殺伊藤。我不能殺寺內乎。乃陰結壯士。

密辦武器。欲於火車之要路襲擊。寺內計畫既定而不意事洩。猝被逮捕。入法庭對簿。曰爾等不識在哈爾濱殺伊藤之安重根乎。我兄也。我欲繼我兄之志。殺寺內復國仇耳。法官曰爾託以國事。募集金錢。取人之不肯予者。非盜而何。明根曰爾等強奪我二十萬衆。抵死不肯予之。邦國眞天下之巨盜。我則欲除巨盜。以活國民者。奈何。謂盜法官不敢復詰。遂以謀殺未遂處終身役於。傍聽者皆曰。與安義士可謂難兄難弟。併耀千古矣。日人又因此而羅織黨案。金鴻亮。金道熙。高貞華。李尙眞。李承吉等百餘人。悉以連累被逮。繼而有梁起鐸。安泰國。李昇薰。林崑。正玉觀。彬諸人之案。又明年有尹致昊。柳東說等一百二十人之事。此所謂暗殺寺內案。而實無可執之証。而直欲以滅愛國之種而已。

## 第二十八章 李在明金貞益


李在明。金貞益。平壤人。寺內渡韓之先。合併之說頗騰。報界兩人相議曰。事急矣。將若之。何我輩同志俱以殉國決心者。安重根既先著一鞭。以盡國民之職。而我輩獨不能耶。前此日人之強勒締約。實由我國賊黨貪利賣國。爲彼作偃。故容易得手。今吾輩先發制人。急除賣國賊。彼之勒約或可沮止。救得國命於萬一之幸。而政府之李完用一進會之李容九。賊魁也。殺此兩賊。餘賊亦皆知危不敢附。和締約救急之策。惟此而已。盍亟行之。乃各懷利刃。渡溟水入漢城。察兩賊之動靜。適李完用以天主教會之速賓。赴鐘峴教堂。在明聞之。粧賣粟。商燒粟。教堂門外而待之。見完

用出遮車抽刃而家奴捍之刺奴卽斃完用墜地因乘而刺之深入腹日巡等急救之捕在明置獄乃以殺人律處絞完用入醫院治數月得不死貞益欲刺李容九日伺其便而在明事發被搜捕出其刀擲之曰吾欲以此殺賊救國而竟至是耶以謀殺處終身役嗚呼志士仁人一擊不中竟使完用縮合併條約無乃天之亡韓歟亦使完用完成其獨一無二之賣國賊歟此時韓人義俠之聲大噪中外日人亦頗懼之故其國各報有平壤人擗猛之論以重根及張仁煥李在明金貞益俱西道人故也在明曾入耶穌教幼年十三從西洋宣教師赴美洲以勞動得盤資回國在平壤多結有志密謀復國皆急進派也亦嘗奔走於中俄領土之界訪問同胞平居在衆人之中恂恂若言不出口人或易之而內甚悍敢死於義此士之難乎以貌相也貞益家至貧寄傭人家服役之暇就勞動夜學堂受業佩服嘉言善行惟恐不及事主人甚勑且恭而惟命招之妓拒而不往人以此知其直夫此兩人者微矣而奮義討賊欲救國命於垂絕犧牲其身如赴樂地其事雖敗其烈光於萬世矣彼所謂搢紳士大夫世受爵祿代襲勳戚祖祖孫孫蟠據勢要窮極富貴之徒居則曰有休戚與共之義主辱臣死之職及其社屋主虜之日叛國事讎不惟不愧反以不矢富貴爲至幸殊榮驕蹇如故嗚呼天乎覆載之間獨容此獸類之毀滅人道蹂躪天理何哉。

## 結論

余述此篇中國言論家取而名之曰世界偉人傳夫重根之爲世界偉人者以哈爾濱一舉振動天下歟曰唯唯否否重根自十五歲已以舉義討賊現其頭角慨國民之文弱卽以尙武主義熱心提倡逮夫國危已迫民智猶穉則欲以教育爲救亡之第一奔走竭力飄零海外號召義勇戰天下莫強之敵直犯其鋒則仿之文山其事尤難手殫國仇於五步之間震驚六洲則較之子房其烈尤光滯獄累月不怵於威不誘於利從容成仁則與文山之全節同嗚呼此所以爲世界偉人也若以狙擊一事擬諸荆彘之流則冤矣夫歷觀古今亡國史忠義之血固斑斑焉而終乃無救其亡豈國之存亡天也有非人力所及者耶韓之季世亦非無人元老焉有閔泳煥趙秉世洪萬植儒林焉有崔益鉉宋秉璿柳麟錫黃玆金道賢軍人焉有朴勝煥閔肯鎬義兵焉有李康年全海山李殷瓚許蔦延基祐洪範道諸人志士焉有李儁李在明安明根金貞益等而重根尤其轟轟烈烈者也何以無救於亡乎嗚呼今日國家競爭以國民全體之力而不以個人焉故其勝負以國民之團合能否決之其民同心愛國一體合力者如塞耳維亞布加利亞之至小而能自強自立其民各自徇私而不愛國渙散而不團體者雖以印度波蘭之大而底於滅亡少數忠義之士僅足爲亡國之生色而已尤不可悲哉是以重根平日大聲疾呼告我國民者團合主義也我同胞其無忘乎嗚呼重根手握刀在左右





## 讀安重根感言

青邱恨人

安重根者。韓國之好男兒。偉人也。志士也。亦暗殺黨中之健者也。夫暗殺。非盛世事也。好男兒。抱七尺軀。立足於天地間。苟得獻身於政治舞臺之上。運其雄健敏活之手腕。行其光明磊落之政策。亦足以爲國宣力。爲民造福。奚事暗殺爲哉。安之爲偉人。爲志士。吾人當崇拜之。惜也。生不逢時。不得已而投身暗殺黨中。求其手鎗炸彈之生活。以僥倖於一擊之。或中此安之不幸。亦韓國之大不幸。吾人又當深悲之。夫使朝鮮而爲朝鮮人之朝鮮。并未被吞於日本。則朝鮮何至有暗殺國敵之暗殺黨。今不能也。而朝鮮乃不能不有暗殺國敵之暗殺黨。出現而偉人安重根志士安重根。乃更不得不以暗殺國敵之暗殺黨中之健者。稱嗚呼是可悲矣。

雖然韓國被併於日本矣。韓國亡矣。韓國亡而猶有安重根輩挾其恢復祖國之熱誠。不惜其實貴之生命爲國犧牲。以與敵人宣戰。是朝鮮今日最後之勝負。尙未可知也。日本之所併者。韓國之土地耳。大韓人之愛國心。大韓人之大韓魂。日本所不能併也。然則朝鮮果何嘗亡哉。夫安重根者。不過愛國黨中之一分子耳。吾人試一讀韓國近年之歷史。自乙巳以後。前乎安而死義者。有李漢膺、閔泳煥、洪萬植、趙秉世、宋秉璿、崔益鉉、李建爽、李相哲、金鳳學、羅寅永、李相高、李儻、張仁煥、田明雲、朴勝煥、閔肯鎬、諸烈士。同乎安而花義者。有禹德淳、趙道先、柳東夏、後乎安而死義者。有安明根、李在明、金貞益、李康年、許蔦、全海山、申突錫、李殷瓚、洪範植、潘學榮、南基昌、金奭鎮、趙鼎九、李範、晉金秀敏、李晚壽、黃玆、金天述、宋完命、鄭在樾、金永世、金志洙、宋道淳、宋鍾奎、李載允、鄭東植、宋益勉、趙章夏、李學純、吳剛杓、李根周、張紫霞、金道賢、諸烈士。若而人者。其義勇可風。非不若安重根也。計時未及十年。而諸先烈士之成仁就義而去者。前仆後繼。其數已不知凡幾。雖不能盡達其所挾持之目的。而義氣赴之。毅力持之。足以驚鬼神。動天地。喚醒國民。



之夢驚破。奸賊之膽。是則朝鮮雖亡。而人心未死。國魂未滅。朝鮮又何嘗亡哉。洵如是也。則吾人讀安重根傳。正當爲將來之朝鮮預慶。其重生不必爲現在之朝鮮徒悲其既往也。

嗟嗟安重根往矣。安重根之精神之魂魄。固常磅礴於天地之間。永永不能消滅者也。今日者安重根傳又付梓行世矣。

朝鮮人讀之。如有崇拜偉人。瞻懷故國之思者。當思如何而可以盡生者之責。如何而可以慰死者之魂。毋令彼三島小醜竊笑於其旁也。吾所最敬愛之朝鮮人。其共勉之。

### 答客問

世之讀安重根者。未嘗不扼腕咨嗟而問曰。此傳胡爲而作也。青邱恨人曰。安重根偉人也。奮生前之勇。得身後之仁。其令人感慨不忘者。非徒震其名。揚其烈。欲使世人知韓國雖亡。而韓國之人心未死。知力圖報復。將來以造韓者之大有人者也。著者之意。殆以此歟。或曰。然。曾聞韓之士。在國內外經營奔走者。實繁有徒。而與安君之並揭於斯傳者。何竟寥寥罕覩。殆若晨星之無幾。此尙足謂大有人哉。青邱恨人曰。否。滄海老紡室所著者。乃安重根傳也。而於各方之英傑多

不及備載者實以多士之伏處難稽而一人之聞知有限亦祇取與安有緊要關係者若人以略事闡揚夫寧有容心於其間哉大丈夫志在立功果其具殺敵致果之心即使湮沒不彰何足短英雄之氣不但同安而死義者多略而不述卽先乎安與後乎安而死義者亦難枚舉且下義勇之士如延起羽金貞安諸人被戮於彼敵人之手者不知幾千百人也窮涓深谷慘死莫知地角天涯招魂無路余慕先烈之名愛先民之血余亦限於少所聞知未得一表彰是余之遺憾而引罪不遑者也

或又問曰青邱恨人讀安傳感言記先後死事先烈若羅寅永李相嵩張仁煥田明雲禹德淳曹道先柳東夏安明根金貞益趙鼎九諸人俱未及死者而并記於死義之列何也青邱恨人曰羅寅永欲剗除締約賊臣未遂時無辜連累者多乃以首謀自就刑僅免死李相嵩以斬五賊斥僞約籲君無效披髮道路狂奔痛訴卒爲海牙會密使處死刑在海外免執行張仁煥田明雲槍殺公敵政府顧問須知分（美國人食韓祿）於美國玉蘭市上美國文明國也待以義士處役而免死刑禹德淳曹道先柳東夏與安公共謀當日事易地皆能如安公者也以未遂罪處役刑安明根繼其兄之志欲殲國敵寺內正毅未遂處終身役金貞益欲殺賣國賊李容九未遂而處終身役趙鼎九痛斥僞爵至於自刎不殊蓋不計事之成敗利鈍以敢死之心爲國盡瘁終始不改者亦可爲死義者而死生實無間也

嗟呼曩日漢城之獄尹致昊梁甸伯等就役國敵果謀殺耶正毅尙逍遙於南山別庄燕津之厄曹煜吳重煥等被捕國敵果殲除耶桂太郎竟終命於芝區病牀矣俱以原無實犯忘加罪戾冤沈海底亦可哀矣右諸人者亦韓之名流也教人也志士也學生也彼認爲不利構虛而陷之可勝痛哉

朝鮮人聽諸除五七一幾個賊首以外無非彼眼中的思韓志士亦我心中的造韓志士也爲彼眼中之志士將難免無瞧類矣然則坐而待盡何如有其事而蹈實禍又何如除實禍而謀幸福我心中的志士乎志士乎果如是也余深企待之崇拜之愛戴之如先烈傳之記之矣嗚呼朝鮮人請看今日之國中竟爲誰家之天下其可不知所恥哉其可不知所奮哉同胞乎同胞乎亦將何以爲堪起起還我天祖之遺業慰我先烈之靈魂者惟我五千年神聖國民重振遺傳之忠勇出萬死矢一心不達不止

### 題安重根先生傳後

了遺

余來華日久聞華人道安公事者曰斯人也雙目如電一目顧朝鮮一目顧中國崇拜之忱溢乎色辭夫國民之忠愛國家者必崇拜忠義之士實出於天理民彝之自然豈矯飾爲哉且夫國家之興替專視國民之心理其民富於義俠心者重公德懋公益急公義赴國家之患難甚己之私不惜流血以救之國乃強民乃存若其乏於義俠心者只知有私不知有公國家安危漠不關心

麻木不仁。痿痺不起。乃至國敗。民滅。故今日教育。莫要於宗。尙義。俠以風厲之也。進而言之。道德家救世之勇。亦何嘗不由是哉。墨子磨頂放踵。利天下則爲之。楚將伐宋。墨子之門人之楚。而諫死者七十餘人。此義俠之宗也。王陽明黃梨州亦皆有義俠之風者。故其爲道也。確於自信。勇於實行。發揚蹈厲。最有功於世教矣。志於教育者。尙其注意於是。

### 論伊藤監國暗殺案(一)

民吁日報社說

伊藤博文秩晉日本公爵。現任日本國樞密院長。前朝鮮之監國也。然則是何爲以監國稱也。伊藤不以公爵死。不以樞密死。而以監國死。故曰監國也。稱監國暗殺案者。何也以明示二十世紀入上之難。爲強權之將替及世界。以力服人者。無日非自立於亟危之地。且以終伊藤之事成。伊藤之志也。世有聖哲君子。儻知斯微意歟。

善哉。杜蘭斯窪爾共和統領古曾嘉之言曰。英國欲取杜蘭斯窪。豈非易易然。不可無一代價。而波蘭學者寥亢夫亦曰。地球上未有無價之自由。苟欲得者。惟納貴重之價格耳。自由之代價。言之致慘。不過無量之碧血。而此碧血。又爲地球上最賢且哲者之所灑。悲夫。怨毒之中。於人心。可勿懼哉。攷世界暗殺之始。自紀元前三百三十六年。馬其頓國王菲臘之案。自茲而後。累朝列邦。代出迭見。迄今蓋二千二百四十餘歲矣。其在中國古代。亦有之。張良之椎車。荆卿之擊殿。皆政治之暗殺也。近歲以還。歐美列邦人道主義之主倡者。日多。君威日陵。強權日不振。而暗殺之默。

饑愈亟。今統計歐美暗殺案自紀元前菲臘之案始迄千八百八十一年露西亞皇帝亞歷山大第二之案止其影響及於政治問題民族問題者殆達三十事。唯茲既成陳迹勿俱論論近世紀自入廿世紀還千九百一年有美利堅大總統領麥堅尼之案一千九百二年有塞爾維亞國王亞力山大第一之案而其亟震驚最近時代者莫彙歲葡葡牙人殺其國王太子事若自茲事起世界君主政治及人道哲學其學說皆因之一變。蓋此新時代之新潮流已潛浸於歐羅巴人之腦故其政治改革之手段常以不出五步之彈丸代百萬革命之軍隊。然皆行於歐洲一境亞細亞大陸未見也。亞洲列邦之沈淪亟矣。印度緬甸越南朝鮮降爲輿臺呂宋琉球夷於丘縣呂宋法律寬大民智亦高遠獨立可期。琉球墜於九原緬甸越南尙在沉滯之境。印度始於六七年中稍稍能知自省其國中獨立新聞三百餘所視中國且遠過故其近世獨立光復之聲喧騰四海。婦孺若驚舉國若狂。近歲留美印度學生丁格榮者實行轟殺前印度總督惠禮。歐洲諸國有領土在東方者聞之大震。邇來復有八童子秘結盟誓以殺英吉利人爲無上歡娛之事。蓋自印度沉淪百年以來所未有也。三韓民氣雖不逮五印。然國社始覆亡勝朝遺黎苟卽是力疾反省其光復故物豈當在印度後。今果有起而轟斃世界政治之偉人三韓之舊監督者。吾知此志不忘。雖卽益復板蕩陸沉三韓終有中興之望。蓋東亞自有史以來大小十餘邦國迄今未嘗有之。聞見也。亞洲諸邦印度而外多慄懦畏死之民。故世界暗殺之機常伏於地球西陲。不謂天周海運此

陸離光怪之氣忽發見於遠東重靈之域宇宙人智固齊等也哉昔齊襄公復九世之讎春秋大之後儒朱子之言曰有天下者有萬年必固之業斯有萬世必報之讎韓人之蓄怨深矣版圖淪胥正朔改易宗廟墜地社稷丘墟君后爲臣蒼黎爲鹵誠與日偕亡之痛不共戴天之讎十五年。前嘗有漢城祖華黨員手斃祖日黨首領於逆旅事蓋政治上之暗殺其在天賦之特性者也曩歲伊藤博文聘米利堅人史脫文司顧問行不越境韓人已鎗斃之舊金山車埠撫我則后虐我則讎韓人之匕首固不辨爲日本人爲米利堅人之血者彼之斃史脫文司伊藤博文者豈殺其人也哉自謀其仇讎而已韓人之茹血飲恨匪一朝夕自日俄戰後日本人實行三韓併吞主義之發軔及今日伊藤政策已告圓滿成功韓人無可復忍不容復待矣俄羅斯既犇高麗既陷日本人心舞歡忻加額扶杖豈復念人道黎民哭聲載路者伊藤以政治之能才老而多智經營滅國厥有成績紀於太常功在人心名克不朽自應菟裘營老送其殘年乃復不察禍福不審時會徒知笑者之迫于前不復慮哭者之伺其後中風狂走自捐性命身死人手貽天下笑悲夫世豈有手親夷人宗社而復能優遊逸樂全其本養壽命者乎以高掌遠遮如火如荼之伊藤博文忽焉有身膏窮荒沙漠之野重爲世笑滅國之代價可不寒心也哉雖然喪一元而易一邦其贏亦甚日本遼東戰士之血其值故獲之百萬償金及庫負割地者其取高麗唾手而得不費一兵不折一矢自古覆亡人國未有若斯之易易者今雖濺一伊藤之血於日本大體如九牛之一毛

高麗尙在於要求之代價與日本人前途之福利正無量也其在伊藤則臣天子友諸侯位極人生之隆曠古未有蓋可謂雖敗尤榮者矣

## 論伊藤監國暗殺案(二)

民吁日報

古今暗殺之事多矣或以宗教而起或以宗族而起或以政治而起大抵宗教之暗殺糾葛於十六七兩世紀之間若法之宣利第三智士馬疏客力諸案皆屬於宗教問題者也其他暗殺史自馬其頓王逮昨歲葡萄牙大帝巨二千餘歲實繁有徒不遑枚舉總之不離乎宗族政治二者近是大抵種族之暗殺盛十八世紀蓋自十八世紀以還列強崛起并吞始烈而滅國既衆而反抗者亦愈劇而暗殺之伏流亦愈急大都宗族之暗殺皆原於政治之不平等等蓋自國家形成而後酋長之制度既立而寡頭貴族之政治行始則憤內政之專制天賦人權之侵蝕則政治革命斯起於國內既而自由制度立政治革命平則舉國力而侵蝕於外競爭愈久滅亡愈多斯種族之政治革命復起於國際繼鑒於革命軍興之難及收效之不易而暗殺之事起蓋暗殺者革命軍補充之方法變換之機能也雖其有起於國內與起於國際之不同而要其希自由慕平等恢復天賦人權維持人道主義則一也故世界種族之暗殺皆含有政治之性質故與其謂之爲種族暗殺毋寧仍謂爲政治暗殺之爲直當也自十九世紀之末葉洎二十世紀之首幕滅國之患害亟矣宇宙諸小侯王與孱弱人種稍一不慎卽陷於酷烈哀慘之區域歐羅巴人榮惑於滅國主

義。饕。餮。成。心。豺。虎。成。性。蹂。躪。小。邦。鞭。笞。弱。種。視。爲。天。職。不。復。識。天。賦。人。道。爲。何。事。蓋。自。天。演。優。勝。劣。敗。之。學。與。政。治。家。起。而。利。用。之。滅。種。亡。國。藉。爲。口。實。舉。世。驚。之。而。滅。亡。孱。弱。之。事。遂。若。爲。強。大。國。人。所。不。可。不。盡。之。義。務。者。嗚。呼。人。但。知。以。君。主。貴。族。之。權。力。蹂。躪。平。民。權。利。其。事。爲。至。慘。劇。痛。而。不。知。以。國。家。之。武。力。強。權。草。菅。弱。小。黎。民。國。社。其。痛。楚。爲。尤。亟。其。哀。慘。尤。爲。無。所。控。告。人。止。知。君。主。專。制。爲。盡。害。於。人。道。其。反。抗。力。爲。可。畏。而。不。知。國。際。凌。虐。其。害。於。人。道。爲。尤。甚。其。反。抗。爲。尤。危。嗚。呼。利。令。智。昏。禍。害。莫。判。此。類。知。識。之。所。爲。終。不。能。躋。於。上。智。而。人。道。之。終。足。爲。吾。人。閔。嘆。者。也。故。吾。謂。欲。繼。國。內。君。民。間。政。治。平。等。之。要。求。而。爲。國。際。種。族。間。政。治。平。等。之。要。求。斯。不。得。不。要。求。於。國。內。者。之。手。段。移。而。用。之。於。國。際。此。國。際。之。革。命。暗。殺。所。爲。繼。國。內。革。命。暗。殺。之。後。而。得。盛。行。也。自。十。九。世。紀。以。還。至。今。世。所。稱。盛。名。之。政。治。家。皆。非。能。爲。人。類。貽。福。祿。皆。足。爲。人。類。造。禍。害。以。其。所。摧。敗。者。其。貽。禍。多。而。享。受。其。福。者。爲。數。寡。者。也。且。其。所。謂。貽。福。者。未。必。卽。眞。正。之。樂。利。彼。自。經。營。奪。取。者。或。且。不。能。保。其。首。領。安。知。其。不。貽。邦。人。以。種。族。之。戰。血。續。往。日。國。內。政。治。革。命。史。上。之。熾。火。故。稱。二十。世。紀。能。經。營。人。國。者。爲。名。高。之。政。治。家。毋。寧。爲。人。道。蟲。賊。之。爲。愈。也。彼。其。能。以。一。身。一。手。殲。除。殘。暴。行。湯。武。吊。伐。之。政。雖。不。足。收。近。效。於。目。前。然。創。之。者。亦。足。以。警。其。後。所。謂。告。之。以。直。而。不。改。必。痛。之。而。後。畏。者。眼。前。之。災。眚。安。知。非。來。日。之。福。利。然。則。今。日。韓。人。飛。此。一。叢。爾。之。彈。丸。黑。子。安。知。不。足。於。日。本。政。策。進。行。之。方。針。抵。萬。人。之。哭。訴。千。篇。之。諫。書。高。麗。之。淪。喪。亟。



矣。宗社顛覆。舊君廢棄。有國以來。未有之深創巨痛。視疇昔之於中國。其優容寬大。爲何如也。蓋中國之對屬國。惟以親愛懷柔爲政策。而今世列強之屬國。則以鞭笞剝削爲主義。故東方之國。高麗越南。雖易正朔。訖未嘗一日忘漢。獨痛我宗國。式微不能自振。不足被護。我四旁兄弟之國。致肺腑之際。閔離迸裂。相對掩泣。不能扶携支助。此真不得不令我邦人念之號咷而迸血也。獨快於高麗之一發一擊。足以殲不世之讎。奪獨夫之魄。而不知高麗人之痛苦。無上非得自己。彼豈樂爲是犧牲人命。濺流頸血者哉。悲夫。亞洲淪胥之邦多矣。而飲恨茹痛。思爲一狙擊以洩憤者。曷不數數觀也。此政治之暗殺所爲。不能不讓韓人獨負。亞東之令譽者也。嗚呼。朝鮮檀箕之裔。我之血族。數千年來。兩相親。無猜忌。日本巧奪豪取。破我陸師。殲我海軍。蓋我邦人兄弟於十年前。爭此三韓一塊土者。不知榮何限之。骨於遼東之蔓草。膏何限之。尸於黃海之魚腹。高麗之讎。我之讎也。彼以高麗爲渡滿之長虹。攝遼瀋而歸三島。正在此舉。何意三韓有人。竟起而折其長驅之驥足。雖曰韓人自修其怨。抑豈非我之至幸乎。幸哉。此舉之出自韓人也。使不幸出自我邦人者。吾見潛遼東三省爲伊藤之墓田矣。仇外之心理。與外交之政治。吉凶禍福。毫釐千里。所當審辨者也。

### 論伊藤監國暗殺案(三)

民吁日報

立國之道。非可荏苒退縮。亦非可孟浪狂進。退縮者糜爛而亡。狂進者折足而仆。皆非立於不敗。

者也。日本自既敗俄羅，再定高麗，氣夸志大，顧視自雄。舉國若鶩，咸以狂馳猛進爲國是。日擴張其帝國侵略主義於支那大陸之上，觀其經營滿洲日逼月搆，得寸進寸，尋歐羅巴人雖稱巧奪豪取，未有若此醜偏側之甚者也。蓋島夷人民數千歲，蝦魚爲類，一朝得出與世界相見，伍於大國之林，其國人虛榮之心切躐進之念急，翹辦利益之誘，其前不復計禍患之乘，其後利令智昏，赴湯蹈刃，狡黠之種人，不免可勝嘆哉。即如伊藤，此次之赴滿洲，實迫於其國人輿論勸進之非不得已。觀其新聞紙稱：予人固愛公至深，而愛滿洲爲尤甚。諸語可以覘其內情矣。蓋日本人務於中國本部，荒分未舉之前，俾滿洲先入其勢力範圍者，彼伊藤之在日本爲政治家中之陰柔派，以緩進爲主義，故其國人常斥其政策之姑息手腕之無氣力。伊藤致不堪其擾，思欲奮發自厲，樹奇勳以自見，以間執國人悠悠之口，倒行逆施，卒以身敗。故吾謂伊藤之死，實日本人逼殺致命者也。日本人不知愛惜其曠代偉人，日以筆楚策朴鞭笞其背，使此老喘息疾馳，顛仆躓蹶，力竭氣盡，陷於火山湯海而後止。彼日本人視伊藤或輕若鴻毛，草芥吾則不能不爲此老哀也。吾敢爲日本人進一辭曰：蠶薑有毒，民蟲可畏，以帖耳戢尾之韓人，疇且料其中復有政治之刺客，以高視闊步之伊藤，疇復知其終裂於政治之暗殺英國前印度舊總督寇崇男爵，其自治印度與伊藤之治高麗頗有同感。謂東方人民頗不易治，吾人已覺異常困難，不謂日本人亦陷於同情嗚呼，爲斯說者可謂智辭以惑世者矣。彼不自省其政策之酷烈，人道之蹂躪，而反謂人權反抗。

者之爲難治。是何異屠牛者之復惡其鬻號也。今世之經營屬國者。直以竭其經濟。覆其種族。爲最後之目的。敲剝膏脂。掠奪生計。必使宛轉沉淪。羸羸顛仆。而後已。是何異讐敵寇盜之戕害。挺鹿走險。困獸猶鬪。期與偕亡。其情至慘。非得謂之難治也。然則今日在高麗人飲泣茹血。亦出事非得已。君子且遠庖廚。况手親刀俎之乎。吾願日本計宇宙之人道。念東亞之同仇。我爲高麗數千祀之古國。祝前途我爲高麗億萬人之性命。祈福利韓人之福。日本之福也。吾更不能不爲日本復進一辭者。亞東之國。陵夷殆盡。其巋然尙存者。中國之外。一日本耳。輔車相依。唇齒相離。日本雖獨強盛。倘非中國爲之屏障。吾恐十九世紀之末。棋歐美國人東逼之勢。亦無復此島人發奮之餘地。即今雖復自立。亦胡爲首戕其羽翼。招引異族。以裂兄弟之邦。喪心病狂。大愚至。慎即使中國覆亡。日本亦孤立無助。非中國之福。豈日本之幸。善爲國者。期萬世無窮之益。不計一日忽微之利。近世紀種界之競爭。愈劇。黃人之刪夷。垂盡。大隈重信之言曰。黃白之爭。在所不免。所謂博愛。有時限於同種。所謂人道。有時不及殊族。日本人固未聞乎。幸今五洲小國。列國。逐漸弭兵。支那一線。無殊周季之王鐵。日本正宜固其輔車。全其指臂。乃欲首發大難。引羣盜以毀裂神州。快眼前毫末之利。招來世無極之災。夫高麗。縱無獨立國民之性質。且反抗不易。制矩欲以區區二島。制數千載之古國。四百兆之民衆。其機危禍。泰無庸諱。言夫以英吉利人之知能。制美利堅。尙生末大必折。尾大不掉之患。卒產十年血戰之禍。而欲復蹈其覆轍。隕其舊壑。所謂天下無

事庸人自擾之。是何異蝮蛇吞象。螳螂當車。蚊虻負山。蚍蜉撼樹。斯爲不度德。不量力之人矣。今爲一言忠告。日本繼自今。宜戡其吞食中國之野心。維持東亞之和平。蓋能爲中國。蘇分者。卽能爲中國。保存者。人雖至愚。不身發大難。而使他人羣食其冒險之功。況中國陵夷於日本。有害無利。可徒逞其饕餮昏悖之蚕食乎。吾復有爲我中國人告者。日本之視我。已如俎上之肉。不快其口腹。不能自止。他不遑舉。卽以伊藤此次之赴滿洲。論彼固宣言其爲個人之漫遊。毫不含有政治之性質者。而其國新聞。則以日本滿洲經營以公。此行爲視察實行之端倪。在世界諸國之眼觀之。以日人恐美國反對滿洲新協約。故必以伊藤一行調查材料爲辯護之資。然皆未諦審其全象者。曩日本新聞之言曰。東京時事新聞。關東都督府之組織。外人時加非難。卽我國人亦深不以其處置爲然。且都督府一舉一動。清國時時注意而防衛之。於我滿洲事業上之發展。殊不便也。不如置一知縣代理之。清國亦不注意。而使都督專管轄其本來之軍政。滿洲前途經營之成功。庶有望乎。今觀伊藤死後。世所轟傳其宗旨在撤除東督擴張韓統。監權力於滿洲之上。與其新聞所稱主義符合。且稱其處分滿洲事竣。冀中國內政之監督。與其主張統監中國監督財政事又符合。且伊藤尙未至而各國秘使羣集候於滿洲。伊藤既死而各國秘使復滯留不去。然則伊藤之赴滿洲。蓋邀集世界談判中國財政監督之進行。與滿洲最後之分割處案也。大凡秘密隱覆之事。一經變故。則眞象畢露。今俄國財政大臣科克佛斯夫。逗留遠東。以待日本重派

大臣繼伊藤之職赴遼會議而日本政府復以倉知政務局長白仁民政長刻日渡滿繼伊藤之志夫使伊藤果非政治的秘密會議而爲個人的旅行者則其政府胡爲復急專派大臣以行其志乎且桂內閣時亦宣告言必繼伊藤之志藉曰漫遊尙何遺志之足繼且今繼伊藤來滿者復爲其國經營滿洲之急進派即曩日安奉問題首倡自由行動之倉知氏然則日本嚮日之謀遼尙爲隱諱的舉動而今則顯然宣告其意於世界以發明其進行之政略此吾謂所伊藤旣死而中國之外交愈濱於危者夫豈無意識之狂踞也哉鼓鐘於宮聲聞於外特此不慎中國自此糜爛而亡矣

## 擬祭文

金澤榮

海州安公重根節殉之後淮南逋士韓國金澤榮遙奉公號曰海州作文遙祭其旅順之墓曰自古人臣之爲國立慳者蓋皆以狷介之性不忍其時羞辱之迫於前不暇徐緩顧他而猝決之焉故其死也每不足以救人國之亡而只足以爲人國之光將就而刻議之則或亦有似乎獨善其身者之所爲若夫壯雄傑大剛堅耐忍招之不來麾之不去立於板蕩倉皇之地而猶欲因敗收功以亡爲存若將轉山岳軋天地而後已者如張留侯文山之倫千載不過數人而已嗚呼今以我海州安公之事觀之其誓報國讎號召義勇何其似文山之扶宋奮手發彈颺打霆擊何其似留侯之椎秦也當公殫國讎之日彼人之餌辭誘說亦嘗至矣使公少有改悔之色則爲彼人

者必且欣欣得意欲藉以銷我國人之義氣卽將解其縛置上座而從之以萬金之賞矣而乃繫獄二百日之間終始一心凜如霜雪堅如金鐵又何其與文山之繫獄三年笑赴柴市者如出一轍哉噫非夫壯雄傑大剛堅耐忍之丈夫者其孰能辦此哉嗚呼公之一身死而傑然之功烈有在矣各國之人爲之膽寒國人之憤爲之益起苟乘此之時以一書聲之於各國曰統監我者之前約非義也猶不約也自今以往吾必無違也然後布哀痛之言於國中上下之間沫血以拒彼將奈我哉乃朝廷之上大冠之徒恐恐懼懼手戰股栗不敢出一氣以慮及於此則是使公已成之功中道壞敗而存國之心無以達曰其冤魂憤魄必將啜泣於九地之中也吾雖欲酌醕鳴鑿於公之靈前以暫賀樂其成功者而公其肯顧之哉

秋風斷藤曲

梁啓超

秋筵吹落關山月歸路青燐照紅雪大國痛歸先軫元遺民泣濺威公血遺民哀哀箕子孫萼輅襪襪開三韓避世已忘秦甲子右文還見漢衣冠鯤鯨激波海若走西方美人東馬首漢陽諸姬無二三宵中雲夢吞八九其時海上三神山劍仙畸客時往還陳搏初醒千年夢陶侃難偷一日閒中有一仙擅獐變術如赤松學曼倩移得瑤池靈草木種將東海桑田遍樓臺彈指已莊嚴年少如卿固不廉脫穎雖寧安舊橐發劔刀擬試新銛嗚呼箕子帝左右聽卑不恤充如裊天外愁雲盡楚歌帳中樂事猶醇酒偪陽自幸僻在我虞公更恃晉吾宗謂將犧玉待二境豈有雀甬穿

重。墉。頻。年。一。擲。鬪。晉。楚。兩。姑。之。間。難。爲。婦。寧。聞。鷓。蚌。利。漁。人。空。餘。魚。肉。薦。刀。俎。大。鷄。鍛。冠。小。鷄。雄。  
追。啄。虫。蟻。如。轉。蓬。事。去。已。夷。陳。九。縣。名。高。還。擁。翼。諸。宗。北。門。沉。沉。扁。嚴。鑰。臥。榻。宵。容。鼻。鼾。聲。趙。質。  
方。留。太。子。丹。許。疆。旋。戍。公。孫。獲。皤。皤。國。老。定。遠。侯。東。方。千。騎。來。上。頭。腰。懸。相。印。作。都。統。手。擣。雕。虎。  
接。飛。猱。狙。公。賦。芋。恩。高。厚。督。我。如。父。煦。如。母。誰。言。兇。樹。靡。西。柯。坐。見。齊。封。作。東。畝。我。澤。如。春。彼。黍。  
離。新。亭。風。景。使。人。疑。人。民。城。郭。猶。今。日。文。武。衣。冠。異。昔。時。笑。啼。不。敢。奈。何。帝。問。客。何。能。寡。人。祭。秦。  
庭。未。返。申。子。車。漢。宮。先。擁。上。皇。簪。十。萬。城。中。旭。日。旗。最。憐。沉。醉。太。平。時。蔡。人。呼。舞。迎。裴。度。宛。馬。駸。  
馳。犯。貳。師。不。識。時。務。誰。家。子。乃。學。范。文。祈。速。死。萬。里。窮。追。豫。讓。橋。千。金。深。襲。夫。人。七。黃。沙。捲。地。風。  
怒。號。黑。龍。江。外。雪。如。刀。流。血。五。步。大。事。畢。狂。笑。一。聲。山。月。高。前。路。馬。聲。寒。特。特。天。邊。望。氣。皆。成。黑。  
閣。門。已。失。武。元。衡。博。浪。始。驚。滄。海。客。萬。人。攢。首。看。荆。卿。從。容。對。簿。如。平。生。男。兒。死。耳。安。足。道。國。恥。  
未。雪。名。何。成。獨。漉。獨。漉。水。深。濁。似。水。年。年。恨。相。續。咄。哉。勿。謂。秦。無。人。行。矣。應。知。蜂。有。毒。蓋。世。功。名。  
老。國。殤。冥。冥。風。雨。送。歸。檣。九。重。撤。樂。賓。襄。老。士。女。空。閭。哭。武。卿。千。秋。恩。怨。誰。能。訟。兩。賢。各。有。泰。山。  
重。塵。路。思。承。晏。子。鞭。芳。隣。擬。接。要。離。塚。一。曲。悲。歌。動。鬼。神。殷。殷。霜。葉。照。黃。昏。側。身。西。望。淚。如。雨。空。  
見。危。樓。袖。手。人。

## 感安重根事

黃季康

荆。軻。刺。秦。王。其。志。欲。存。燕。燕。社。雖。竟。墟。精。爽。動。民。肝。蒼。蒼。千。載。下。嗣。響。在。眞。蕃。伊。人。殲。國。仇。奇。功。

託雙丸。截指厲誓。盟變服。踰門關。銅柱發。朱光遂。令虜腹穿。走險詎擇。蔭聊以洩。煩寃滅國。豈不  
易盡。誅良獨難。傳語疆梁者。威力不可殫。

### 吊伊藤博文

黃季康

年月日。日本伊藤博文。畏死嗚呼。哀哉。惟百年之有盡兮。自前代而固。然閔夫子之怛化兮。碎  
彌天以兩丸。豈國家之無祿兮。抑人生之多難。操金椎以入地兮。然跖父之秘權。明本味於割  
烹兮。亦夫子之故也。羌倖女於後宮兮。何其不改此度也。以庖宰而得此兮。豈始願之所望。生  
有五鼎食兮。死固當五鼎烹。雖銘功於壺鑿兮。亦貽臭於輻輳。繫蹠足於東海兮。魚亂乎下鳥  
亂上。巨鱷死而彗星出兮。今獨闕此精光。信尋常之污瀆兮。固覲鱷爲之長悲。夫假金版以制  
人兮。媚上帝於鈞天。固作法其必斃兮。闔戟偃盾皆在前。矧佳兵之不祥兮。又安能免乎凶年  
吾聞莊躋之取滇兮。苟得保此黃馘。維僑如之佚宕兮。終然橫身於異域。覽高位之疾顛兮。寧  
終老於庖湏。遺華袞之褒榮兮。亦一家之私肛。使工女下機兮。販夫巷哭。一國昌狂若逐。瘠狗  
兮。紛溶溶之安屬已矣。哉穹蒼不可與恃兮。魑魅不可與期。使麒麟可得係而羈兮。又何以異  
乎。羆狸。

### 聞哈爾濱消息

金澤榮

平安壯士目雙張。快殺邦讎似殺羊。未死得聞消息好。狂歌亂舞菊花傍。



海參港。裡鷓摩。空哈爾濱。頭霹火。紅多少。六洲豪健客。一時匙箸落秋風。  
從古何嘗國不亡。織兒一例壞金湯。但令得此撐天手。却是亡時也有光。

## 讀安重根傳

周曾錦

嘗讀刺客傳。頗愛任俠名。古人不可作。慷慨有餘情。耳目所聞見。不謂有安生。奮臂殺邦讐。一擊使人驚。豈惟使人驚。豪傑涕縱橫。天地爲動色。山岳失崢嶸。上帝之降衷。萬古同黎烝。烝矧伊箕子。封一裔。垂神明。禮樂猶殷周。官儀同漢京。山川靈秀氣。鬱爲太白精。古無不亡國。得人斯猶榮。寄言彼遺老。勿過哭吞聲。大哉滄翁筆。上與龍門並。扶眦爲作傳。紙上聞雷霆。碧血有時盡。英靈無時停。千秋遼左水。嗚咽聲悲鳴。

## 東韓烈士歌

林樹聲

君不見。雍容儒雅張子房。博浪神椎震虎狼。又不見。驅羊當虎宋文山。取義成仁老閭關。英雄千古孕奇魄。志莫敗成生死易。安君元識卓更超。熱血蒸騰沸海潮。地獄莊嚴人道主。羽毛身世付雲霄。瀛東鯨浪掀天起。逐逐滿蒙耽虎視。東亞危局絆三韓。李宋崇仇趙閔死。紅衣頭角總崢嶸。烽火關山滿目驚。公敵不除仁義賊。血花誓以鑄和平。東林狐鼠無須論。勒約梟張中外困。十三罪狀一砲彈。世界葫蘆盡解悶。會寧城外會寧碑。鞞鼓殷殷幾易時。同灑新亭家國淚。誰從塞上報殲渠。元精炯炯當空燭。俯視塵寰真曲局。滄州力士古今輝。就義從容益滿足。日星公理炳坤

乾萬國輿評印腦堅嘔血庭爭義士氣判裁周內破益立白山正氣誠鬱曠世毓奇幾人物胸  
羅斗宿七星高利飶威箝永不屈吁嗟乎海牙見說主歐盟死哭秦庭罔見兵頸血濺衣纒五步  
強隣竟已失長城興亡家國重任負肉食廟堂無以易匹夫有志事竟成二千萬衆芸芸豈無策  
漢陽城廓已滄桑萬仞石峯倚夕陽感慨偉人前事蹟極旗遠想返重光

聞哈爾濱砲擊

青丘恨人

白日青天霹靂聲六洲諸子膽魂驚英雄一怒元凶斃獨立三呼祖國生

悼旅順受刑

青丘恨人

光復舊邦爲己任平和東亞倡公論松花江畔腥塵上誰慰將軍去後魂

追悼安先生

一舟

寂寞三韓突有聲哈濱一擊萬邦驚四千歷史精神在恰與將軍得永生  
雨溫風淒天地哀胡然遺骨大連隈忍說將軍無葬土首山不老槿花開

金縷曲題安重根

程善之

劍氣橫燕市數男兒屠龍身手而今誰是一角山河餘涕淚認取將軍意氣只消得一丸足矣霹  
靂下魑魅走貫太陽白晝垂雌蜺五步血千秋史

故宮回首斜陽裏記當年河伯兒孫日精王子萬里扶餘來霸迹不外都隨逝水淪溝壑誰當後

死。拚。得。此。番。終。快。意。教。倭。奴。省。識。三。韓。士。有。志。者。且。重。起。

故。國。今。何。處。遍。天。涯。西。風。滿。目。離。離。禾。黍。恨。海。迴。潮。高。萬。丈。欲。問。鄉。關。無。路。只。贏。得。伶。仃。淒。楚。再。向。窮。途。尋。活。計。猛。回。頭。一。笑。辭。儔。侶。結。生。死。吾。偕。汝。

事。機。轉。眼。休。遲。誤。鎮。傷。心。斜。日。荒。荒。平。原。膻。膻。如。此。江。山。如。此。淚。招。國。魂。消。息。憑。誰。語。爲。此。別。成。終。古。

### 敬題安重根先生傳

汪 洋

一。彈。無。餘。恨。千。秋。享。令。名。側。身。瞻。故。國。含。笑。送。平。生。英。氣。常。如。在。江。流。夜。有。聲。松。濱。試。回。顧。憑。吊。不。勝。情。

### 謹題安重根先生傳

羅 洽 霖

安。重。根。先。生。世。界。奇。男。子。也。其。一。震。之。威。能。使。鯨。吞。蠶。食。之。梟。雄。有。所。顧。忌。影。響。於。人。道。主。義。豈。淺。鮮。哉。其。人。可。敬。其。心。可。悶。其。事。可。傳。茲。值。異。常。光。彩。之。歷。史。編。成。謹。掇。數。語。付。諸。卷。末。以。表。敬。仰。之。忱。

傷。心。亡。國。恨。誓。死。雪。仇。讐。浩。氣。凌。三。島。威。名。震。五。洲。烽。烟。猶。未。熄。唇。齒。最。堪。憂。誰。繼。先。生。志。鯨。鯢。血。逆。流。

### 謹題安先生傳

張 震 青

何人操鐵血仗劍挽金湯疾苦依遺類兇殘痛始皇君臣皆忍辱豪傑獨悲傷博浪椎猶在三韓國未亡。

### 吊安重根先生

陳鴛春

捐軀慷慨逐豺狼無限悲風痛國殤甘作奴顏生亦恥長留俠骨死猶香知君鐵血心難已還我河山願未償安得人人恒博浪隣邦不敢謂韓亡。

### 安重根傳感賦

查士端

血濺仇者衣何惜一身毀笑彼中副車子房婦人耳。

### 讀安重根先生傳

王燾

我聞滄海士一椎摧強秦此風流終古勿謂韓無人滔滔黃海畔遺老泣桑塵檀箕神聖血久矣篤彛倫此根能自植終見回陽春。

### 悼安烈士

皇城啞夫

浩然天地一男兒再到吾東定幾時第待他年如意子家尸戶祝未云遲。

### 悼義俠安夫子

雲人

滄海初晴白日雷天教夫子笑談回團團數顆金丸子直向心頭百煉來。

壯懷初擬復河山。義旗馳驟備辛艱。衰世未遑王法正。教他休了剎那間。  
三呼萬歲國魂醒。身縱成仁目不瞑。後死如將遺責負。何顏泉下報君靈。

### 追悼會附錄

某年三月二十六日（安公殉國日）由海外某所舉行追悼大會。儀容莊嚴。血淚淋漓。是日也。風淒雨苦。天地爲悲。當日誄詞韓文爲多（同人可人嘯卬復源天悟霹兒少滄友血李超鶴臯樸泳鐵漢武寧秦夢銳鋒漢一石麟桓童亨媛等均有文詞演說悼歌）此間無韓文印字未得選載。只取漢字聯與詩若干首附錄于左

### 聯

編者注

揮淚離母也。斷指誓衆也。痛恨未遂。素志不辭。殺敵捐軀。寰宇一時盡震驚。如先生不愧爲烈士。維持平和平。恢復後獨立乎。未免孤負遺言。竟容大盜移國。江山無地葬骸骨。問後死何以慰英靈。

同人

公敵伊誰不知幾千幾百。

我將安歸。豈無第二第三。

國亦前三年隨去。

魂兮早日伴還。

無名

三岡

盍繼公志  
實慚我心  
先生莫恨  
雖死爲榮

詩

哈濱風颯颯。石夜沉沉。一點當時血。千秋不死心。

天寒木落北風吹。張目登場問汝遲。霹火三飜公賊倒。丈夫正是笑談時。  
勢不與之同。一天伊殲我死遼。河邊嗚呼祖國隨。公去魂若有知應嗒然。  
大義貞忠日月明。六洲健客仰雄名。壯哉追慕安公會。水水山山盡獻誠。  
死而不死安公在。一去居然歲幾回。半島河山仍寂寂。靈魂日夜哭泉台。  
堂堂義氣似秋城。千載芳流烈士名。一歌追慕日傾吾熱血。表吾誠。  
哈爾濱頭天地空。千秋義俠海之東。英靈莫恨而今事。大有青年氣亦雄。

警儂  
東醒  
志庵  
滄洲  
青齡  
一石  
磐吾  
鐵兒

是傳共有拾數字印訛因被印刷者未能校準特更正于後務請閱者注意

第四章第四面第七行第六字挾字當作快字

第十四章第十九面第八行第三十二字岡字當作罔字

第十六章第二十一面第十一行第七字還字當作遇字

第十九章第二十六面第十四行第十六字默字下加一默字

第二十一章第二十七面第十三行第二十一字聞字當作閒字

第二十二章第二十九面第四行第二十一字傳字當作傅字

答客問第五面第二行第三十三字忘字當作妄字

論伊藤監國暗殺案第七面第十行第三字鷺字當作鶯字

論伊藤監國暗殺案第十面第二行第二十四字鷺字當作鶯字

論伊藤監國暗殺案第十三面第十三行第三十四字矩字當作詎字

追悼安先生第二十面第十一行第二字溫字當作濕字

追悼會附錄第二十三面第十行第七字後字當作復字

# 韓國痛史

三編厚  
一册  
定價洋  
一元

是書爲最近亡國慘史，係該國遺民手編，信而有徵，迴非坊間刊本或顛倒是非，出自遙譯，或道聽塗說，附以臆造者可比。實爲海內外孤本，閱之令人泣然泣，悚然懼。附銅版畫四十餘種，古蹟風景，韓季皇室忠烈遺像及韓廷人物等，確是自亡自弱之借鏡。我國民所當人手一編，引爲殷鑒也。

代售處：維省、舊金山、紐育、檀香山、上海、河南路中華書局、棋盤街中華圖書公司、廣益書局、會文堂、藝林書局、新學會社、四馬路民權出版部、泰東書局、國華書館、北京、廣學書會、杭州中外書局、南京中華書局。

版 權 所 有

安重根傳

大同編輯局刊行



